

# REFERAT Kommunalbestyrelsi d. 20-02-2018

**Mødedato** Tirsdag d. 20. februar 2018 kl. 19:30

**Mødested** Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Ilisimatitsissutit.....	8
Kommunimut pilersaarummut tapiliussamat 4E2-1-imut siunnersuut, Niaqornannguaq.....	9
Pisortanit ikiorsiissutinik tunniussisarnerup periusaanik allannguissamik siunnersuutip paasissutis	13
Aaqqissuussaanagerup ineriartortinneqarnissaanut suliniut, Tasiilaq.....	17
Aalajangiiffigisassat.....	20
2018-imut eqqakkat pillugit malittarisassiat nutaat.....	21
Nuup nutaamik Pingaarnertut Aaqqissuunneqarnera.....	26
PANAM 2018-imut taperneqaqqinnissamat qinnuteqaat.....	30
Inussivik nunanut allanut akuerisaasumik unammersuaartarfittut atorsinnaangortinniarlugu Komm	34
Nuussuarmi biilit avammut nakkarnaveeqquserneqarnissaanut siunnersuut.....	38
Kulusummi takornariarneq eqqarsaatigalugu annertusisamik nunaqarfiup mittarfiullu immikkut aaq	41
Kapisillit tunisaalernissaannut siunnersuut.....	44
Amminik tunitsiveqalernissamat siunnersuut.....	47
Kommuneqarfik Sermersooq naartusunut erninissaq qaammatit pingasut sioqqullugit meeraaqqeriv	50
Taasariaqartut allat.....	54
Suliat matoqqasut.....	55
Lukket.....	56
Lukket.....	57
Lukket.....	58
Imaqarniliap akuerineqarnera.....	59

## **Punkt 0: Saqqaa**

**Ilaasortat**  
<p>Asii Chemnitz Narup (IA)</p> <p>Malene Lynge (IA)</p> <p>Charlotte Ludvigsen (IA)</p> <p>Uju Petersen (IA)</p> <p>Harald Bianco (IA)</p> <p>Inge Olsvig Brandt (IA)</p> <p>Rasmine Geisler (IA)</p> <p>Knud Mathiassen (IA)</p> <p>Henrik Rachlev (IA)</p> <p>Nivi Olsen (D)</p> <p>Randi Vestergaard Evaldsen (D)</p> <p>Justus Hansen (D)</p> <p>Mala H&oslash;y Kuko (S)</p> <p>Peter Davidsen (S)</p> <p>Thiiloq Knudsen (S)</p> <p>Ane Egede Math&aelig;ussen (S)</p> <p>Jens Kristian Berthelsen (S)</p> <p>Rolf Pike (S)</p> <p>Laura T&agrave;un&acirc;jik (S)</p> <p>&nbsp;</p> <p>&nbsp;</p> <p>&nbsp;</p>

### **Beslutning**

Oqarasuaatikut ilaasut:

Rolf Pike (S).

# **Punkt 1: Oqaluuserisassat akuerineqarnerat**

## **Beslutning**

Henrik Rachlev (IA):

Oqaluuserisassaq 04G tunuartippaa.

Oqaluuserisassat allannguutaalu akuerineqarput.

## Punkt 2: Nalunaarutit

2A. Borgmesterimit nalunaarutit. 2B. Ataatsimiititanit ataavartunit nalunaarutit &nbsp;

### Beslutning

2A. Borgmesterimit nalunaarutit

- Januaarip 25-ianni politikikkut ataqatigiissaarisartoqatigiit Ilulissani ataatsimiipput. Kommuneqarfik Sermersooq sinnerlugu borgmesteriugallartoq Nivi Olsen ataatsimeeqataavoq aammalu kommunaldirektøri, Meeqqanut Ilaqutariinnullu Ingerlatsivimmi pisortaq, Isumaginninnermut Suliffeqarnermullu Ingerlatsivimmi pisortaagallartoq. Oqaluuserisassani immikkoortut pingaarnerit tassaapput inersimasut angerlarsimaffeqanngitsut aammalu inuit tarnimikkut nappaatillit innarluutillit, utoqqaat aammalu meeqqanut inuusuttunullu tunngasut. Ataatsimiinnissaq sioqqullugu, ullup aappaa avillugu qinikkat atorfillillu qulequttat pingaarnerit pillugit immikkut sammisaqartinneqarput.
- Januaarip 27-ianni 2018 Aningaasaqarneq pillugu Siunnersuisoqatigiit isumasioqatigiissitsipput. Isumasioqatigiissitsineq Nuummi Hotel Hans Egedemi ingerlanneqarpoq. Ukioq manna qulequttat pingaarnerit tassaapput aalisakkanik pisuussutinik aqutsineq nutaaliornissamut qaffassaanissamullu piginnaasanik ineriartortitsineq. Borgmesterip tullia siulleq aammalu Aningaasaqarnermut Inuusutissarsiornermullu Ataatsimiititami ilaasortat tamarmik qaaqquneqarput.
- Inuusutissarsiornermut, Suliffeqarnermut Niuernermullu Naalakkersuisoq Hans Enoksen borgmesterilu Asii C Narup ulluni 5-6 marsi 2018 Tasiilami inuusutissarsiornermut suliffeqarnermullu isumasioqatigiissitsinissamik pilersaaruteqarput. Kommunalbestyrelsimut ilaasortat Tasiilameersut isumasioqatigiinnissamut qaaqusaapput.
- Kommunit aqunneqarnerat pillugu inatsit nutaaq aamma Nuummi Najukkami Ataatsimiititaliortoqarnissaanik piumasaaqatitaqarpoq - suliaq aallartereerpoq.
- Februaarip 13-iani borgmesterip Aalisarnermut Piniarnermullu Naalakkersuisoq Karl Kristian Kruse ataatsimeeqatigaa. Borgmesterip Aalisarnermut Piniarnermullu Naalakkersuisullu Tasiilami aalisarnerup ineriartortinnissaanut suleqatigiinnissamut nalunaarutaata killiffianik eqqartuisoqarpoq tassanilu kommunimit Namminersorlutik Oqartussaniillu suliniutit ingerlanneqartut ilisimatitsissutigineqarlutik.
- Februaarip 13-iani borgmesterip PAPP Paamiuniillu kommunalbestyrelsimut ilaasortat, Henrik Rachlev aamma Thiiioq Knudsen neqitsersuisarfiup nutarternissaa pillugu ataatsimeeqatigai.
- Priscella Josefsen, Kittanik 1982-imi pilersitseqataasimasut ilaat, novembarimi 2017-imi 90-inik ukioqalerpoq. Tamannalu februaarip 15-iani Kittani sulisunit Nuutoqqami Priscellap ilaqutai ikinngutaalu ilagalugit nalliuttorsutigineqarpoq. Borgmesteri qaaqusaavoq kommunalbestyrelsilu sinnerlugu ilaalluni.
- Nakuusap meeqqat kinguaassiuutitigut atonerlunneqartarnerat pinaveersaartinniarlugu qaammarsaanissaanut tunngasoq. Nakuusa Kommuneqarfik Sermersuullu ataatsimoorlutik qaammarsaaniarlutik suliniutaat "Ullut Tamaasa" aallartartinnagu januaarip 29-ani ulluinnarni meeqqat pillugit suliaqartartunut suliniummik aallartitsinermit qaaqqusivoq.
- Februaarip 15-iani borgmesteri Inatsisartut Aalisarnermut Piniarnermullu Ataatsimiititaliaanit ilisimatitsiniarluni ataatsimiinnissamut aggersarneqarpoq. Aalisarnermut Piniarnermullu Ataatsimiititaliaq Tunumi aalisarnermi piniarneq qaqileqqinniarlugu kissaatigisimavaat tassanilu aalisarnermi ineriartorfissatut periarfissaasut kiisalu taakkununga unammillernartut pingaarnertut eqqartorusullugit.
- Paamiuni utoqqaat illuata nutaap nappaanersiornissaanut atatillugu borgmesteri Isumaginninnermut Suliffeqarnermullu Ataatsimiititami Siulittaasorlu februaarip 21-22-anilu Paamiuniissapput. Borgmesteri Paamiuniinnermini ilaatigut neqitsersuisarfik alakkartissavaa, Paamiunilu Aalisartut Piniartullu Peqatigiiffiat (PAPP) ataatsimeeqatigissallugu "Utoqqaat Peqatigiit" ataatsimeeqatigissavai.
- Isak Nielsen Kleist Isumaginninnermut Suliffeqarnermullu Ingerlatsivimmi pisortatut atorfinippoq kingusinnerpaamik maajip aallaqqaataani 2018-imi atuutilertussamik.

- Isak Nielsen Kleist Inuussutissarsiornermut, Suliffeqarnermut, Niuernermet Nukissiuuteqarnermullu Naalakkersuisoqarfimmi, Namminersorlutik Oqartussat ataani naalakkersuisoqarfiusumi pisortap tullersortaatur atorfeqarsimavoq, suliffimmilu siuliani suliffittaaminut qanimut attaveqartarsimalluni.
- Kunngikkormiusut Ataqinassusilik Prins Henrik februaarip 13-iani toqukkut qimagunneranut atatillugu borgmesterimit misiginneqataanermit allattaavinnik kommunit allaffiini tamani allaffissaqarnissaa erfalasuttalu qiteqqusimanissaa aalajangerpaa. Borgmesterittaaq nammineq misiginneqatigissummik kunngikkormiunut nassiussivoq misiginneqataaneremullu allattaavinnut Nuummiittunut allasimallunilu.
- Nuummi Kunngikkormiusut Ataqinassusillip Prins Henriup ullumi ilineqarnissaata tungaanut erfalasoq qiteqqusimatinneqarpoq.
- Ulloq januaarip 29-ani Nakuusap meeqqat kinguaasiutitigut innarlernaveersaarneqarnissaat pillugu paasititsiniaasoqarpoq. Nakuusa Kommuneqarfik Sermersoorlu peqatigiillutit paasititsiniaaneq tusagassiutitigut aallartitsinnagu, meeqqanik sullissisunut ammasumik pisussamat ilisimatitseqatigiinniarlutik ataatsimiititseqatigiissivoq.

## 2B. Ataatsimiititanit ataavartunit nalunaarutit

Malene Lyng (IA), Sanarfinermit Avatangiisinullu Ataatsimiititami siulittaasoq

- KNR-ip inuusuttunut oqallittarfiat nutaaq "Kassoq"-mik taaguutilik 8. februar siullermeerluni aallakatitassiaani Sanarfinermit Avatangiisinullu Ataatsimiititami siulittaasutut Kommuninut, Nunaqarfinnut, Isorliunerusunut Attaveqatigiinnermut Ineqarnermullu Naalakkersuisoq Erik Jensen peqatigalugu peqataavunga. Oqallinneq inissaaleqinermik qulequtaqarluni ingerlanneqarpoq.
- Nuussuarmi kalaaliaratoq atornaaarsimasoq, aasanerani ingammik, innuttaasunik arlalinnik uannut maalaarutigineqartarsimavoq. Kalaaliaratoq ernguffiusarpoq eqqissiviillioortoqartaqalunilu. Kalaaliaratoq meeqperiviup atuarfillu akornani inissisimavoq. Kalaaliaratoqqap isaterneqarnissaa 2015-mi eqqartorneqarpoq taamanikkulli kalaalimineerniarfiit pillugit isumaqatiginiarnerit ingerlammata unitsinneqarallarpog. Iliuseqarfiginissaali maanna piffissanngorsoraara. Illup silataa annertuumik ernguffiusarlunilu perulluliorfiuvoq - kialuunniit akuttusuumilluunniit saneqqutartup maluginiartarsimassavaa - pissutsit taamaattut assut akueriuminaapput. Nalunngilara illu isaterneqarneratigut ajornartorsiutit qaangerneqarnavianngitsut, neriutigaarali eqqissiviillioortitsinerit meeqperiviup atuarfullu eeqqaaninnganniit piissasut - meerartagullu eqqissillutik silami aneertinneqaleqqissinnaassasut. Suliaq 22. januar Sanarfinermit Avatangiisinullu Ataatsimiititami eqqartorneqarpoq aammalu 9. februar Aningaasaqarnermut Inuussutissarsiornermullu Ataatsimiititami sammineqareerluni akuerineqarpoq. Aputaarukkutta illu isaterneqalerpat tusagassiutinut nalunaaruteqartoqarumarpoq.

Uju Petersen (IA), Meeqqanut Ilaqutariinnermullu Ataatsimiititami siulittaasoq

- Isumaginninnermut Aqutsisoqarfiup Ineriartortitsineremullu Ataatsimiititap (Udviklingsråd) Ilulissani januarimi ataatsimiisitsinerani Kommuneqarfik Sermersooq peqataatitsivoq, tassani annertuumik innarluutilinnut ikiorsiissutit eqqartorneqarput.
- Ineriartortitsinermit pilersaarut suliniutigineqartuarsinnarpoq.
- Martsip 20-ani ingerlativimmi sulisut seminareqassapput.
- Immikkoortortami pisortaq nutaaq 1. marts aallartissaaq.
- Ataatsimiititami ilaasortat 2. marts- 9. marts Tromsø-mut København-imullu ilisimasassarsiorlutik angalassapput.

Charlotte Ludvigsen (IA), Isumaginninnermut Suliffeqarnermullu Ataatsimiititami siulittaasoq.

- Kofoeds Skole-p siulersuisortaavi 21. februar 2018 nal. 17:00 ataatsimiigiaqquneqassasut kalerrinneqarpugut.

- Peqqinnissamut Pitsaaliuinernullu Pisortaqaarfimmik Kommuneqarfik Sermersuup suleqateqarnissamut isumaqatigiissutaa naapertorlugu peqqinnissaqarfiup kommunillu sulisui isumasioqatigiissinneqarput 5. februar 2018, immikkut suliniarfissatut qulequtsiussat arfineq-pingasut immikkut suleqatigiissitaliunneqarlutik. Aaqqissuussinnermut sulisutta siuttuulluarfigisaannut inuit 40-t peqqinnissaqarfimmi kommunimilu sulisut peqataapput. Sammineqartut ilarivaat piginnaanngorsaqqiineq, pinaveersaartitsineq, katsorsaasarneq, napparsimasunik ikiorsiineq assigisaallu.
- 23. februar suliffeqarnermut ingerlatsivitta pisortarigallagaa Tasiilamukassaaq Royal Greenland-ip nunatta avannaani aalisakkerivinnut 20-30-nik sulisussarsiornera pillugu, taakanilu aamma susassaqaarfimminut tunngasut sammiarlugit. Royal Greenland-ip suliusarsiornera aallaavigalugu maannakkut aaqqissuunneqarpoq INUILI-p Tasiilamut aalisakkerivinni sulisussanik pikkorissaaqartornissaa.
- Paamiuni Utoqqaat illuat nutaaq nappaarnersiorneqarneranut atatillugu siulittaasutut peqataajartussaanga. Paamiuniinnera iluatsillugu pulaassavakka Majoriaq, Nuilaq, maannamut atuuttoq Utoqqaat illuat aammalu Utoqqaat peqatigiiffiat naapissallugit aammalu innuttaasunik ataasiakkaarilluni oqaloqateqarneq ingerlassallugu.
- Isumaginninnermut Suliffeqarnermullu ingerlatsivimmi pisortartaalerpoq tassa Isak Nielsen Kleist. Isak Namminersorlutik Oqartussani Inuussutissarsiornermut, Suliffeqarnermut, Niuernermut, Nukissaqarnermullu Naalakkersuisoqarfimmi pisortap tulliatut atorfeqarpoq, maanna atorfittaani tassani qanimut suleqatigisimallugu. Qilanaarpugut aallartinnissaanut.

#### Nivi Olsen (D), Meeqqanut Atuarfeqarnermullu Ataatsimiititami siulittaasoq

- Ataatsimiititaq Nuummi Kommunalbestyrelsip ataatsimiinnera iluatsillugu ulluni pingasuni pulaaqattaassapput. Tassani pulaarneqassallutik atuarfiit pingasut, meeqqueriviillu pingasut. Siulliullugit pulaarneqarput Atuarfik Samuel Kleinschmidt (ASK) aammalu Meeqquerivik Sisi. Meeqqat pikkorsissorpasuit naapinneqarput. Paasisat ilagaat nunani allanit nunnittut, filipinerit meerartaat arlallit ASK-imi atuarmata, tamannalu atuartunut tamarmiusunut tuluttut oqalunniarnerannut qaffassaataasimasut paasineqarsimavoq aammali tuluttut ilinniartitsiniarnermut unammillernartoqartitsisimalluni.
- Angajoqqaat atuartuutillit kattuffittaarmata, taakkua pilluaqquneqarput. Suleqatigiinnissaq qilanaarineqarpoq.
- Ingerlatsivimmit meeqqat atuartut atugarisaat pillugu suliniuteqartoqangajalersoq eqqaavaa, tamannalu pillugukingusinnerusukkut paasissutissiisoqarumaarpoq.

## **Punkt 3: Ilisimatitsissutit**

## **Punkt 03A: Kommunitut pilersaarummut tapiliussamut 4E2-1-imut siunnersuut, Niaqornannguaq**

### **Beslutning**

Ilisimatitsissut tusaatissatut tiguneqarpoq.

### **Bilag**

KPT 4E2-1\_GL.pdf

## **Kommunimut pilersaarummut tapiliussamut 4E2-1-imut siunnersuut, Niaqornannguaq**

Ilisimatitsissut

J. nr.: 16.03.01.01-P16-1-18

Sanarfinermut Avatangiisinullu Ingerlatsivik – pisortaagallartuq Hans Henrik Winther Johannsen / HHWJ

### **Suliassamik eqikkaaneq**

Kommunimut pilersaarummut tapiliussamut siunnersuut antenneqarfimmik pilersitsinissamut sinaakutissanik pilersitsisoqarnissaanik kissaateqarnermik tunuliaqutaqarpoq. Qaammataasiaq aqutigalugu internetimik sukkanermik nunarsuup sinneranut kiffartuussinissamik pilersitsinissamik kissaateqarneq. Sukkasuumik internetsikkut attaveqarneq akikitsumik kiffartuussissutaassaaq, taannalu nunarsuarmi sumiikkaluaraanniluunniit iserfigineqarsinnaassaaq, inuilaaniluunniit. Ingerlatsiviup pineqaatissinneqarsimasunut inissiisarfissap avannaatungaani sanaartorfissanik marlunnik atortutigit pilersaarusermimilum periusissamut tulluurtumik tikkuuasimapput. Sumiiffik kommunimut pilersaarummut atuuttumut teknikkimut atortulersuutitut atugassatut inniminnigaavoq.

Antenneqarfiup aqqissuusaanera periarfissaqarneralu pinngortitarsuarmut Quassussuup avannaatungaaniittumut sumiiffimmullu sanaartornissamut pilersaarutaasunut tulluurtutinneqarpoq.

Sanarfinermut Avatangiisinullu Ataatsimiititap suliaq 22. januar 2018 ataatsimiinnerminni oqaluuseraat, akueralugu aammalu Aningaasaqarnermut Inuussutissarsiornermullu Ataatsimiititap Kommunalbestyrelsimullu ingerlateqqillugu.

Aningaasaqarnermut Inuussutissarsiornermullu Ataatsimiititap suliaq 9. februar ataatsimiinnerminni sapaatip akunnerini tamanut tusarniuutigineqarnissaa siunnetaralugu akuerissutigivaa, Kommunalbestyrelsimullu ilisimatitsissutitut ingerlateqqillugu.

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Ilisimatitsissut tusaatissatut tiguneqassasoq.

### **Suliassamik saqqummiussineq**

Kommuneqarfik Sermersooq Nuummi antenneqarfiliornissamut pissanganartumik pimoorussisumillu saaffigineqarpoq, sumiiffissaasinnaasumut pilersaarutitut sinaakutissanik ikiorneqarnissaq anguniarlugu. Antenneqarfik nunarsuaq tamakkerlugu sumiiffinni assigiinngitsuni nunami sananeqarsimasut 30-t ilagissavaat. Nuup nunami inissisimanera pequtaalluni attaveqaatitigit nunarsuup avannarliup qaammataasiat atorlugit attaveqarneq pitsaanerusumik periarfissaqalissaaq. Antenneqarfimmiit imaatigit kabelimut attaveqalernissaq tassuunalu nunarsuaq tamakkerlugu internetikkut sukkanerusumik attaveqalernissaq periarfissaalissalluni. Suliffeqarfimmiit Nuup nunami inissisimanera aqqissuusaaneralu pequtaallutik pilersitsiffissatut tulluurtinneqarpoq.

Pilersaarut TelePost attaveqaatigiinnermi aqqissuusaareersunut akisussaasoq neqerooruteqartorlu suleqatigalugu ingerlanneqassaaq. Pilersaarut Namminersorlutik Oqartussanit inaarutaasumik akuersissutigineqarnissaa inassuteqaatigineqarpoq.

Antenneqarfiup pineqaatissinneqarsimasut inissiisarfissap avannaatungaani sineriammi inissisimanera kommunimi pilersaarusiimi immikkoortup ilaanut 4E1-imi qaartiterutaasivissamut namminersortunut kiffartuussinermut aqutissiarineqartussatut pilersaarutaareersumut ilanngunneqassaaq. Namminersorlutik Oqartussanit allagaqaammii pilersaarutip sumiiffimmi sivisuumik najorneqartussaanginnera pequtaalluni qaartiterutaasivissamut isumannaallisaanermi killeqarfianit pilersinneqarnera sunnerneqarnaviannngitsuq allassimavoq.

Antenneqarfik peqqissutsimut kingunerlutsitsinaviangilaq. Antenneqarfik nunat tamakkerlugit timmisartoqarnermut oqartussanit akuerineqarpoq timmisartornermullu isumannaallisaanermut sunnuteqarnaviarnani.

#### *Aaqqiissutissatut siunnersuut - Suliaticugut naliliineq*

Ingerlatsivimmit Nuup nunat tamalaat akornanni suliffeqarfiusumit telemi attaveqaatit iluanni pilersaarummik nutaaliorfissatut inissisimavissatut qinerneqarnera iluaqutissaqarnera tuniniaanermilu periarfissaqarnera isigaat. Kommunimi pilersaarummut tapiliussap qaammataasiaq atorlugu misissuinerit radari pilersinneqarneranik ineriartortitsinerit malitserineqartinneqarnissaanik periarfissaqarneq pilersaarutinut tunngasunik sinaakktissaqarnissaa qulakkiissavaa.

Antenneqarfiup inissisimanera Nuummiit Kuanninnguanut sisooriartut, qamuterallatut sukisaarsarlutik sammisaqartut Nuup timaata tungaanut aqputai pioreersunut akornutaanaviangilaq.

Antenneqarfiup pilersinnissaanut nunap qaava annertunerusumik assanneqarnaviangilaq. Antenneqarfiup isikkua qalipaataatalu ilusilersukkatut isikkoqarnera pinngortitamut kusarluinnartumut naleqqussorineqarpoq.

Pilersaarusionermi teknikkikkut immikkoortup ilaa 4E2 pilersinneqarpoq immikkoortullu ilaa 4E1 pioreersoq affanngortinneqarpoq, 4E1-illi qaartiterutaasivissammut aqputissaanullu aalajangiussat tunngasut ataannassapput.

#### *Aningaasaqarnikkut sulisoqarnikkullu naliliinerit*

Kommunimut pilersaarummut tapiliussamik siunnersuusiorneq aningaasatigut kinguneqartitsissangilaq.

#### *Inatsisitigut tunngavissaq allakkallu tunngaviusumik uppernarsaatitallit*

Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq  
Inatsisartut inatsisissaat nr. 34, 9. december 2015-imeersoq

#### *Ingerlariaqqinnissaq*

Pilersaarummut siunnersuut sap. ak. 6-imi piffissami 14. februaari – 23. marsi 2018-imi tamanut tusarniaassutigineqassaaq.

Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu aamma Aningaasaqarnermut Inuussutissarsionermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

Inaarutaasumik pilersaarut tamanit pissarsiarineqarsinnaassaaq, ilaatigut kommunip nittartagaatigut [www.sermersooq2028.gl](http://www.sermersooq2028.gl)

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfiup suliassaq qulaani allataareersoq innersuussutigaa kommunitullu taama suliniummik pissanganartigisumik suliaqarnissaq assut soqutiginarillugu

#### **Siornatigut aalajangerneq**

*Sanarfinermut Avatangiisinullu Ataatsimiititap aalajangernera 22. januar 2018-meersoq:*  
Inassuteqaatit akuerineqarput.

*Aningaasaqarnermut Inuussutissarsionermullu Ataatsimiititap aalajangernera 9. februar 2018-imeersoq:*

Inassuteqaatit akuerineqarput.

#### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliusaaq sapaatip-akunnerini arfinilinni tamanut tusarniaassutigineqassaaq, tamannalu Nuuk Ugeaviisimi nalunaarutigineqarlunilu kommunip tusarniaanermut quppersagaatigut allagarsiissutigineqassaaq.

### **Ingerlatsivinniit allaniit oqaaseqaatigineqartut**

Allanik oqaaseqaateqartoqanngilaq.

### **Ilanngusaaq**

1. Kommunimut pilersaarummut tapiliussamut 4E2-1-imut siunnersuut

## **Punkt 03B: Pisortanit ikiorsiissutinik tunniussisarnerup periusaanik allannguinissamik siunnersuutip paasissutissartaa**

### **Beslutning**

Ilisimatitsissut tusaatissatut tiguneqarpoq.

## **Pisortanit ikiorsiissutinik tunniussisarnerup periusaanik allannguinissamik siunnersuutip paasisutissartaa**

Ilisimatitsissut

J.nr: 41.01

Isumaginninnermut Suliffeqarnermullu Ingerlatsivik – pisortaagallartoq Kista Lynge Høegh / KILH

### **Suliassamik eqikkaaneq**

Maajip ulluisa 24-anni Kommunalbestyrelsimi ilaasortap Laura Táunâjik-p (S)

Kommunalbestyrelsimut aalajangigassanngorlugi siunnersuut nassiuppaa. Laura Táunâjik-ip kissaatigaa, Kommunalbestyrelsip pisortanit ikiorsiissuteqartarnermi periuseq allanngortillugu pisissutissamik allagartamik tunniussisalernissaq pillugu oqaluuserissagaa. Siunnersuut aalajangigassaq (04P) juunip ulluisa 13-it 2017 Kommunalbestyrelsip suliaraa, tassani kommunalbestyrelsip amerlanerussuteqarluni, Inuit Ataqtigiiit Demokratitit Atassutillu siunnersuut itigartitsissutigaa. Aamma kommunalbestyrelse katersuuffigalugu Isumaginninnermut Suliffeqarnermullu Ataatsimiititaq qinnuigaa periarfissat misissoqqullugit peqqussutillu maanna atorneqarnera pillugu misissueqqullugu.

Suliaq Isumaginninnermut Suliffeqarnermullu Ataatsimiititap 16. januar 2018 ataatsimiinnerminni oqaluuseraat, tusaatissatut tigullugu aammalu Aningaasaqarnermut Inuussutissarsiornermullu Ataatsimiititamut Kommunalbestyrelsimullu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 9. februar 2018 ataatsimiinnerminni oqaluuseraat, ilisimatitsissut tusaatissatut tiguneqarpoq, Kommunalbestyrelsimullu ingerlateqqinneqarluni.

### **Inassuteqaat**

Aningaasaqarnermut Inuussutissarsiornermullu Ataatsimiititaliap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Kommunalbestyrelsip piunasaqarnera naapertorlugi Isumaginninnermut Suliffeqarnermullu Ingerlatsiviup periarfissat misissorpai peqqussutillu maanna atorneqarnera misissorlugi.

Pisortanit ikiorsiissutit pillugit Inatsisartut peqqussutaat kapitel 5, § 17 naapertorlugi Pisortanit ikiorsiissutit tiguisussamut aningaasanngorlugit tunniunneqarsinnaapput, aningaaserivimmut assigisaanulluunniit, imm. 2 innersuussutigalugu. Taarsiulluguli Pisortanit ikiorsiissutit takuuk § 17 imm. 2 aningaasanngornagit imaluunniit toqqaannartumik akiliisitsisussamut tunniunneqarsinnaapput pissutsit immikkuullarissut pineqarpata. Pisortanit ikiorsiissutit tunggaviatigut tunniunneqartarput, § 18, imm. 1 pilersuinnermut akiligassanullu aalajangersimasunut siumoortumik ullut 14-ikkaarlugit tunniunneqartarnissaat innersuussutigalugu. Innersuussutigineqarluni § 18 imm. 2 Kommunalbestyrelse qaqutigoorluinnartumik piffissamut sivikinnerusumut tunniussisinnaavoq, qinnuteqartup ikiorsiissutit nammineerluni aqussinnaanngikkai naliliisoqarpat. Kommunalbestyrelsip naliliinnermini immikkut isiginiartussaavai meerartaasinnaasut pisariaqartitaat isiginiarneqarsimanersut.

Namminersorlutik Oqartussat nalunaarutaat nr 4. 15. marsi 2007-meersoq naapertorlugi pisortanit ikiorsiissutit tunniuttarnerannut tunggatillugu, iliuusissatut pilersaarusiorderit piareersimanerillu il.il. § 16-imi allaqqavoq: Aningaasanngornagit ikiorsiissutinut ikiorsiinnermi akiliteqartarneq imaluunniit toqqaannartumik akiligassanngortitsilluni allatsitsisarneq siullermeerlutik saaffiginnissuteqartunut

tunniunneqarsinnaanngillat, aatsaalli paasineqarsimatillugu, pineqartumit ikiorsiissutit atornerlunneqartartut, imaluunniit ikiorsiissutinik nammineerluni aqutsisinnaanngitsoq, takuulli imm. 3.

Imm. 2. Kommunalbestyrelsimit aningaasanngornagit ikiorsiissutinut tunniussinermut aalajangiilernermi immikkut isiginiarneqassaaq, qitornaasinnaasut pisariaqartitsinerat eqquutsinneqarnersoq.

Imm. 3. Nammineerluni pisuussutigalugu pissaaleqisoqalersimappat, imaluunniit meeqqat immikkut ittumik isiginiarneqalersillugit, aningaasanngornagit ikiorsiissutinik siullermeertumik saaffiginnissuteqartumut pisortanit ikiorsiissutinik akiliussisoqartassaaq.

#### *Aaqqiissutissatut siunnersuut – suliatigut naliliineq*

Inatsisip takutippaa, pisortanit ikiorsiissutit aningaasanut taarsiullugu pisissutissamik allagartamik tunniussisalernissaq periarfissaanngitsoq, paasinarmammi ikiorsiissutisisup ikiorsiissutinik atornerluinera imaluunniit aqutsisinnaannginnera aatsaat pineqarpat tamanna pissasoq. Tamatuma saniatigut inatsimmi allaqqavoq, Kommunalbestyrelse pilersuinermit aningaasartuutinullu piffissami sivikitsumi pisortanit ikiorsiissutinik allatut ajornarpat tunniussissasoq. Ingerlatsiviup aningaasanngornagit/allatsitsineq atortarpaa, immikkut ittumik pisoqartillugu, naliliinermi pisariaqarsorinarpat, taamaattorli eqqumaffigeqquneqarpoq, periuseq taanna allaffissornikkut suliaq annertummat, allagartanik tunioraanerup piffissaajaataanera peqqutigalugu.

*Aningaasaqarnikkut sulisoqarnikkullu naliliinerit*  
Soqanngilaq.

#### *Inatsisitigut tunngaviusut aamma allagartat uppernarsaatitut sinaakkusersuutaasut*

Pisortanit ikiorsiissutit tunniunneqartarnerat pillugit Inatsisartut nalunaarutaat nr. 15. 20 november 2006-imeersoq

Pisortanit ikiorsiissutit tunniunneqartarnerat, iliuusissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaat nr. 4, 15. marsi 2007-imeersoq.

#### *Ingerlariaqqinnissaq*

2017-imi oktobarip qaammataa Kommuneqarfik Sermersuumi innuttaasut pingasut pissutsit immikkut ittut tunngavigalugit. Ingerlatsiviup aningaasanngornagit tunisisinnaaneq ingerlatiinnarniarjaa pissutsit immikkut ittut pineqartillugit.

#### **Aningaasaqarnermut Allatseqarfimmit oqaaseqaatit**

Suliami matumani Aningaasaqarnermut Allatseqarfik oqaaseqartinniassallugu ingerlatsivimmit pisariaqarsorineqanngilaq.

#### **Siornatigut aalajangerneq**

*Isumaginninnermut Suliffeqarnermullu Ataatsimiititap 16. januar 2018 aalajangernera:*

Ilisimatitsissut tusaatissatut tigunqarpoq aammalu Aningaasaqarnermut Inuussutissarsiornermullu Ataatsimiititamut Kommunalbestyrelsimullu ilisimatitsissutissatut ingerlateqqinneqarluni.

*Aningaasaqarnermut Inuussutissarsiornermullu Ataatsimiititap aalajangernera 9. februaari 2018-meersoq:*

Ilisimatitsissut tusaatissatut tiguneqarpoq aammalu ilisimatitsissutitut Kommunalbestyrelsimut ingerlateqqinneqarluni.

#### **Innuttaasunik peqataatitsineq/Attaveqatigiinneq**

Soqanngilaq

**Ingerlatsivinniit allaniit oqaaseqaatigineqartut**  
Ingerlatsivinnit allanit oqaaseqaateqartitsisoqanngilaq

**Ilanngussa**  
Soqanngilaq

## **Punkt 03C: Aqqissuussaannerup ineriartortinneqarnissaanut suliniut, Tasiilaq**

### **Beslutning**

Ilisimatitsissut tusaatissatut tiguneqarpoq.

## **Aaqqissuussaannerup ineriartortinneqarnissaanut suliniut, Tasiilaq**

Ilisimatitsissut

J. nr: 02.01.05

Suliffeqarfimmut Kiffartuussivik - kommunaldirektøri Lars Møller-Sørensen / LMS

### **Suliassamik eqikkaaneq**

Piffissami sivisuumi kommunimi sulisunit, aammali Tasiilami innuttaasunit, illoqarfimmi kommunip aaqqissuussaannerani pitsanngorsaavigineqarnissaa kissaatigineqarpoq. Suliagarfiit akimorlugit suleqatigiinnerit pitsanngorsaavigineqassapput innuttaasunullu sullissineq pisariillisarneqassalluni. Taamaattumik pisortaqatigiit Tasiilami kommunip aaqqissuussaana annertuumik pitsanngorsaaviginiarlugu suliniut siulleq aallartippaat. Tasiilaq Kommuneqarfik Sermersuumi maligassiuusuunissaa siunertaavoq. Ingerlatsivinnit tamanit peqataaffigineqartumik suliat akimorlugit suleqatigiissitamik pilersitsisoqarpoq, saniatigullu siunnersortinik Deloitte-minngaannersunik suliakkiissuteqartoqarluni.

Suliaq Aningaaqarnermut Inuussutissarsiornermullu Ataatsimiititap 9. februar 2018 ilisimatitsissutitigineqarpoq.

### **Inassuteqaat**

Suliffeqarfimmut Kiffartuussiviup Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq.

### **Suliassamik saqqummiussineq**

Aaqqissuussaannerup ineriartortinneqarnissaanut immikkoortuani siullermi illoqarfimmi kissaatigineqartut pisariaqartinneqartullu pillugit paasissutissanik katersisoqassaaq.

Suliami tulluuttunik siunnersuutissanik suliaqartoqarnissaa siunertaavoq:

- Ataatsimoortumik ingerlatsivik pisariinnerusoq,
- Maanna politikikkut susassaqrifiillu akornanni suleqatigiinnerit, inatsisit assigiinngitsut aqutseriaatsillu qulaajarneqarnerat,
- Illoqarfimmi sulisut toqqammavigalugit ingerlatsivik

Anguniakkat aalajangersimasut tassaapput:

- Tasiilami ataatsimut ingerlatsivimmut pingasunik ilutsinik suliaqarnissaaq, tassunga ilanngullugu aqutseriaatsimik pisariaqartinneqartut aallaavigalugit naleqqussaannerit, aaqqissuussaanneri kulturi, suliarineqarsinnaasut aamma illup pisatsersorneqarnera
- Atuutilersinneqarnissaanut piffissamut pilersaarusiornissaaq.
- Aqutsinikkut kulturikkullu allannguutitik atuutilersitsinissamut suliap ingerlanneqarnissaanut pilersaarut.

Suliassat tulluuttut aalajangersimasut suliarineqassapput:

- Nuummi ulluni marlunni ullup affaanni suliat akimorlugit suliniummik suleqatigiissitaq peqatigalugu isumasioqatigiissitsineq
- Workshoppennissamut piareersaatissatut Tasiilami aqutsisunik sulisunillu ulluni marlunni apersuineq.
- Tasiilami kommunip ingerlatsiviani sulisunut ulloq ataaseq workshoppertitsineq.
- Tasiilami innuttaasunut sammisumik ulloqartitsineq, tassani pisariaqartitsineq piginnaasallu pillugit paasissutissanik katersinissaaq siunertaavoq.

- Tasiilami inunnik pingaarutilimmik inissisimasunik kiisalu oqartussaqaqarfinniit allaniit, inuussutissarsiornerup iluaniit, soqutigisaqaqatigiinniit inuiaqatigiinnilu innuttaasunit inunnit 20 miss. apersuineq.
- Tasiilami kommunip ingerlatsivianit maanna siornatigullu aqqissuussaannermit paasissutissanik, MTU-mik (sulisut iluarisimaarinninnerannik misissuineq), misissuineq

*Aaqqiissutissatut siunnersuut – suliatigut naliliineq*

Suliniutip immikkoortua siulleq pisariaqartitat aallaavigalugit pitsanngorsaanissamut toqqammavissatut atorneqarnissaa naatsorsuutigineqarpoq.

*Aningaasaqarnikkut sulisoqarnikkullu naliliinerit*

Deloitte-mit siunnersortinut ikiorteqarnermut 450.000 koruunit killiliunneqarput.

*Inatsisitigut tunngavissaq allakkallu tunngaviusumik uppernarsaatitallit*

-

*Ingerlariaqqinnissaq*

Tasiilami paasissutissanik katersineq februaarip qaammataani ingerlanneqassaaq. Suliniutip immikkoortua siulleq 2018-imi marsip naanerani naammassineqarnissaa naatsorsuutigineqarpoq.

**Aningaasaqarnermut Allatseqarfimmit oqaaseqaatit**

Soqanngilaq.

**Siornatigut aalajangerneq**

***Aningaasaqarnermut Inuussutissaqarnermullu Ataatsimiititap aalajangernera 9. februar 2018:***

Ilisimatitsissut tusaatissatut tiguneqarpoq.

**Innuttaasunik peqataatitsineq/attaveqaqatigiinneq**

Innuttaasunut sammisunut sammisaqartitsinerit 2018-imi februaarip qiteqqunnerani ingerlanneqassapput.

**Ingerlatsivinnit allaniit oqaaseqaatit**

Soqanngilaq

**Ilanngussaq/Ilanngussat:**

Soqanngilaq

## **Punkt 4: Aalajangiiffigisassat**

## **Punkt 04A: 2018-imut eqqakkat pillugit malittarisassiat nutaat**

### **Beslutning**

Suliaq pillugu taasisoqarpoq.

2018-mut eqqakkat malittarisassiat nutaat tunngaviusumik akuersaarneqarput, atuutilerfissaq aalajangerneqartoq tassaavoq 1. juli 2018. Kommunalbestyrelsimit tamakkiisumit akuerineqarpoq.

### **Bilag**

Regulativ-for-affald-fra-erhverv-2018\_end\_KAL.docx

Regulativ-for-affald-fra-private-2018\_end\_KAL.docx

Takstblad 2018 KAL v2.1.docx

## **2018-imut eqqakkat pillugit malittarisassiat nutaat**

2018-imut Inuussutissarsiorlut eqqagaat pillugit malittarisassiaq aamma Inoqutigiit eqqagaat pillugit malittarisassiaq

Aalajangiiffigisassaq

J.nr.: 27.03

Sanarfinermut Avatangiisinullu Ingerlatsivik - pisortaagallartoq Hans Henrik Winther- Johansen / HHWJ

### **Suliassamik eqikkaaneq:**

Kommunimi inuussutissarsiorlut eqqagaat pillugit malittarisassiat aamma inoqutigiit eqqagaat pillugit malittarisassiat nutarterneqarnerinut atatillugu eqqakkat kommunimit isumagineqartarneri pillugit nutaaliortoqarpoq. Malittarisassiat nutaat sukumiinerujussuupput siuliinullu sanilliullugit eqqakkat pillugit immikkoortortaqaqarnerullutik. Tamatumunnga peqatigitillugu immikkoortiterinermut aaqqiissutit ilaat periarfissatut inissisimagaluartut maanna pinngitsoorani naammassisassatut inissisimatinneqalerput. Taamaalilluni malittarisassiat nutaat atorlugit kommune eqqaasartunut piunaffigininnerulersinnaalerpoq. Avatangiisit mingutsinnaveersaarlugit eqqakkanik eqqortumik passussinissamut kommunip periarfissaasa pitsanngorsarnissaat matumani siunertarineqarpoq, aamma immikkoortortat tunitsivissat nutaat/pilersinneqartussat passunnissaannut naleqqussartuarnissamik eqaallisaaneq ilanngullugu.

Suliassaq 2018-imi januaarip ulluisa 22-anni Sanarfinermut Avatangiisinullu Ataatsimiititap ataatsimiinnerani oqaluuserineqarpoq, ataatsimiinnermilu "2018-imut Inuussutissarsiorlut eqqagaat pillugit malittarisassiat" aammalu "Inoqutigiit eqqagaat pillugit malittarisassiaq 2018" imatut oqaaseqaatitalerlugit akuerineqarput: ukiumi siullermi pissutsit pillugit Ataatsimiititap ilisimatinneqartassasoq qanimullu peqataatinneqassasoq. Tamatuma saniatigut malittarisassiat pillugit qaammarsaanermut Ataatsimiititami siulittaasoq peqataassaq, taamaalilluni eqqagassat pillugit malittarisassiat nutaat innuttaasut sukumiisumik pitsaasumillu ilisimatitsissutiqineqartarnissaat qulakkeerniassammagu.

Aningaasaqarnermut Inuussutissarsiornermullu Ataatsimiititap suliaq 22. januar 2018 ataatsimiinnerminni akueraat imannak oqaaseqaatitalerlugit:

*"- ukiumi siullermi pissutsit pillugit Ataatsimiititap ilisimatinneqartassasoq qanimullu peqataatinneqassasoq aamma  
- eqqagassat pillugit malittarisassiat nutaat innuttaasut sukumiisumik pitsaasumillu ilisimatinneqartarnissaat qulakkeerniassammagu Ataatsimiititami siulittaasoq malittarisassiat pillugit qaammarsaanermut Ataatsimiititami siulittaasoq peqataassasoq."*

### **Inassuteqaat**

Aningaasaqarnermut Inuussutissarsiornermullu Ataatsimiititaliap Kommunalbestyrelsimut inassuteqaatigaa:

- Inuussutissarsiorlut eqqagaat pillugit Malittarisassiaq aammalu Inoqutigiit eqqagaat pillugit Malittarisassiaq akuerineqassasoq.

### **Suliassamik saqqummiussineq**

Kommunimi inuussutissarsiorlut eqqagaat pillugit malittarisassiat aamma inoqutigiit eqqagaat pillugit malittarisassiat nutarterneqarnerinut atatillugu eqqakkat kommunimit isumagineqartarneri pillugit nutaaliortoqarpoq. Malittarisassiat nutaat sukumiinerujussuupput siuliinullu sanilliullugit eqqakkat pillugit immikkoortortaqaqarnerullutik. Tamatumunnga peqatigitillugu immikkoortiterinermut

aaqqiissutit ilaat periarfissatut inissisimagaluartut maanna pinngitsoorani naammassisassatut inissisimatinneqalerput. Taamaalilluni malittarisassiat nutaat atorlugit kommune eqqaasartunut piумаaffigininnerulersinnaalerpoq. Avatangiisit mingutsinnaveersaarlugit eqqakkanik eqqortumik passussinissamut kommunip periarfissaasa pitsanngorsarnissaat matumani siunertarineqarpoq, aamma immikkoortortat tunitsivissat nutaat/pilersinneqartussat passunnissaannut naleqqussartuarnissamik eqaallisaaneq ilanngullugu.

#### *Aaqqiissutissatut siunnersuut – suliatigut naliliineq*

Eqqakkanut malittarisassiat 2016-imeersut Eqqagassalerifimmit nutarterneqarput. Malittarisassiat immikkoortuini immikkut ittuni immikkoortiterineq pillugu nassuiaataasa, kommunip eqqakkat pillugit nalunaarsuinermit atortuisa taavalu akigitat akornanni pitsaanerusumik aalajangersagaqalernerat matumani siusinnerusumut naleqqiullugu malunnaatilimmik allannguutaasut innuttaasunut suliffeqarfinnullu aatsaat taama atoruminartigilerlutik. Tamatuma saniatigut malittarisassiani nutaani eqqakkat immikkoortiterarnerinut piumasagaatit amerlisinneqarput, ilaatigut immikkoortiterisarnerit periarfissatut inissisimasimasut maanna pinngitsoorani suliassatut inissisimalerlutik. Nalinginnaasumik atoqqiisarnissamik periarfissat annertusarniarlugit avatangiisillu eqqarsaatigalugit illersorsinnaasumik passussisarnissaq qulakkeerniarlugu, immikkoortigassat ilaat ilanngunneqarput. Tamatumunnga peqatigitillugu eqqagassat angisuut assigiiaat sukumiisumik naliliiffigereernerisigut peerneqarnissaannut periarfissatut immikkut pisuni kommune innersuussisinnaasoq matumani periarfissaasoq ilanngunneqarpoq.

”Eqqakkat inaalinneqarsinnaasut akuleriit” immikkoortigassat ataanni arlalinni malittarisassiatigut agguataarneqassapput, tamatumani ilu eqqiluitsuunissaq, poortorsimanissai il. il. piumasagaatigineqassaaq, taamaattoqarneratigummi aatsaat avatangiisit eqqarsaatigalugit illersorsinnaanerumumik eqqagassat passunneqarsinnaammata, atoqqiinissamullu periarfissat annertusillugit.

Issoq mingutsitaq pillugu malittarisassat ersarissarneqarput, issumillu mingutsitsinerit assigiinngitsuuneri eqqarsaatigalugit piumasagaatit malittarisassianut ilanngunneqarlutik.

Nerisassat eqqagassat immikkut immikkoortoqartinneqarput, aamma illoqarfinni nunaqarfinnilu mikinerusuni eqqagassanut aaqqiissutit nutaat naleqqussarneqarput, ilaatigut eqqagassarpaaluit siusinnerusumut sanilliullugit immikkoortinneqartassallutik najukkamilu atorneqartarlutik eqqagassallu ikuallatassat poortorneqariarlutik Nuummumut ikuallaavimmumut nassinneqartassallutik. Malittarisassat nutaat naapertorlugit pisiniafinniit, aalisakkerivinniit, aalisartuniit piniartuniillu assigisaannillu eqqagassat tigoorarneqartarnerinut atatillugu Eqqagassaleriffimmi ilungersunartut matumani eqqarsaatigineqarput.

Malittarisassiat nutaat atulernerinut atatillugu containerit atoqqitassanut atorneqartarneri kommunimi taamaatinneqassapput, pissutigalugu suliap namminersortunit ingerlanneqarnissaa pissusissamisoornerummat. Nuummi ingerlatsinertaa Kofoeds Skolemit ingerlanneqalerpoq, taamaalilluni kommunimut, Kofoeds Skolemik atuisunut innuttaasunullu iluaqutaasussamik kommune sinnerlugu suliarisarlugu.

Taakkua saniatigut malittarisassanut makkua ilanngunneqarput:

- Nunaqarfinni ltoqqortoormiinilu eqqagassanik passussisarnermut tunngaviummik akitsuutini anartarfilerinermit sapaatip akunneranut pingasoriarluni aallertarneq tunngaviummik akitsuutinut ilanngunneqarpoq.
- Eqqagassat immikkut immikkoortitat tunniukkiartorneri sioqqullugit suliareqqaarnissaannut, annikillisillugit agguataarnissaannut poortornissaannullu immikkut kommunip piumasagaarsinnaanera nalinginnaasumik oqaaseqaatinut ilanngunneqarpoq.

*Immikkoortoq immikkut ittoq (Inuussutissarsiuteqartut eqqagaat)*

- Igalaamernit eqqagassat: Igalaamernit immikkoortitertarnissaat pinngitsoorani suliarineqartartussanngortinneqarput
- Saviminikut: Nassuiaataa ersarissarneqarpoq aaqqiissullu pinngitsoorani suliarineqartussanngortinneqarluni. Angissutsimikkut annikillisillugit agguataarnissaannut piomasaaqatigineqalerpoq, taamaalilluni Eqqagassaleriffimmit ajornanngitsumik suliarineqarsinnaanngorlugit. Eqqagassat assigiiat annertuut eqqarsaatigalugit, Eqqagassaleriffiup immikkut isumaqatigiissuteqarfiginissaanut periarfissat ammatinneqarput.
- Qamutit motorillit atorsinnaajunnaartut Eqqagassaleriffimmut peerneqarnissaanut periarfissaqartut innersuullugit nalunaarutigineqartassapput. Tunniussinnginnermi avatangiisinut tunngatillugu suliareqqaagassat isumaginissaat piomasaaqataavoq.
- Eqqagassat ikuallatassat assigiinngitsunut marlunnut agguataagaapput, ikuallatassat mikisut angisuullu, kingunerisaanillu passussineq naammassiuminarsarneqassaaq.
- Qisuit eqqakkat aammattaaq marlunnut immikkoortiterlugit agguataassapput, tassa qisuit mingutsinneqanngitsut taavalu "Qalipatat, naqitat mingutsinneqalaarsimasullu".
- Eqqagassat inaalissassaasut pillugit nassuiaat ersarissarneqarpoq, aammalu immikkoortitassat siusinnerusukkut "Eqqagassat inaalitassat ataatsimoortut"-ni ilaatinneqartut maanna immikkoortitassatut immikkut ittutut suliassanngortinneqarput.
- Eqqagassat ulorianartut nassuiaatigineqarneri maanna aaqqiissutit malillugit passunneqartarnerinut ilaatinneqarput.
- Issup mingutsinneqarsimasup assigiinngitsutigut mingutsinneqarsimaneranut qanoq passunneqarnissaa pillugu piomasaaqatit nassuiaatitai ersarissarneqarput.
- Nerisassat eqqakkat immikkut immikkoortumi nassuiaammilu immikkoortillugit ersarissarneqarput. Tamatumunnga peqatigitillugu poortuisarnermut il. il. piomasaaqatit sukateriffigineqarput.

Immikkoortigassat nutaat ilanngunneqartut tassaapput

- Pappialarsuit minguitsut
- Qalorsuit akuitsut ningittakkallu
- Assakaasut qaavi
- Eqqagassat atoqqitassat allat

*Aningaasaqarnikkut sulisoqarnikkullu naliliinerit*

Eqqakkanut malittarisassiani allannguutit ataatsimut isigalugit kommunimut aningaasartuutaannginnissaat matumani anguniarneqarpoq. Tamannali pillugu suliap qanoq innerani qularnartoqartitsisoqalerpoq, ingerlanniarnanullu piffissaq ingerlaqqaassasoq naatsorsuutigineqassaaq.

Eqqakkanik aallertarnerit pillugit akit naleqqussarneqarput, taamaalillutik akit kommunip eqqakkanik ataasiakkaanik immikkoortigassanik passussineranut aningaasartuutaasut matussusernissaannut oqimaaqatigiisinnegarnissaat naapertuutissalluni atoqqiinarneq peqataanik annertusarneqarluni. Annertunerusumik immikkoortiterisarneq akinut pingaarnertut apparsaaqataassaaq, eqqagassallu ataatsimoortut/immikkoortiterneqanngitsut kukkusumik immikkoortiterinermut akitsuutinut ilanngunneqassallutik, taakku eqqakkat Eqqagassaleriffimmi suliareqqinnerani matussutaasussaapput.

Immikkoortiterinissamut piomasaaqateqarnerunikkut atoqqiinissamut atorluanissamullu periarfissat pitsaanerulissammata, eqqagalerinermi nalinginnaasumik sulisunik atorluanikkut siuarsaasoqarnissaa malittarisassiat kinguneqassasut naatsorsuutigineqarpoq.

*Inatsisitigut tunngavissaq allakkallu tunngaviusumik uppersaatitallit*

Atoqqiisarnissap siuarsarneqarnissaa kommunimilu eqqagassanik passussisarnermit avatangiisinut kingunerlutsitsisarnerit annikilliniarlugit Kommuneqarfik Sermersuumut Eqqagassat pillugit pilersaarummi pingaarnertut anguniakkat naapertorlugit malittarisassianut nutaanut naapertuupput. Kommunimi annertunerusumik atoqqiisarnissaq politikikkut anguniakkat malittarisassiatigut nutaatigut sukumiisumik siuarsarneqassaaq (eqqagassat pillugit pilersaarummi anguniakkat arfineq-aappaat). Tamatumunnga peqatigitillugu 2018-imut kommunip akigititaasa suliarineqarneri ilutigalugit malittarisassiat suliarineqarput, ilaatigut malittarisassiani eqqarsaataasut isumaliutaasullu akigititanut nuunneqartarlutik.

#### *Ingerlariaqqinnissaq*

Malittarisassiat akuersissutigineqassappata tamanut saqqummiunneqassapput aammalu 2018-ip aallartinneraniit "ingerlatsinermut" ilanngunneqassallutik.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit inassuteqaatit innersuusutigai, pissutigalugu eqqagassat pillugit malittarisassiat 2018-imullu akigititat allattorsimaffii naleqqussarneqassasut allatseqarfimmit maluginiarneqarmat.

#### **Siuserusukkut aalajangerneq:**

*Sanarfinermut Avatangiisinullu Ataatsimiititap 22. januaari 2018-mi aalajangernera:*

Inassuteqaat imatut oqaaseqaatitalerlugu akuerineqarpoq:

- ukiumi siullermi pissutsit pillugit Ataatsimiititaq ilisimatinneqartassasoq qanimullu peqataatinneqassasoq aamma
- eqqagassat pillugit malittarisassiat nutaat innuttaasut sukumiisumik pitsaasumillu ilisimatinneqartarnissaat qulakkeerniassammagu Ataatsimiititami siulittaasoq malittarisassiat pillugit qaammarsaanermut Ataatsimiititami siulittaasoq peqataassasoq.

*Aningaasaqarnermut Inuusutissarsiornermullu Ataatsimiititap aalajangernera 9. februaari 2018-meersoq:*

Inassuteqaatit akuerineqarput.

#### **Innuttaasunik peqataatitsineq/Attaveqaqatigiinneq**

Malittarisassiat nutaat tamanut saqqummiunneqarnerini paasissutissiisoqarumaarpoq, taannalu naapertorlugu kommunimi eqqakkanik tunniussisarneq immikkoortiterisarnerlu pillugit malittarisassat nutaat suliffeqarfinnut innuttaasunullu maluginiaqquneqassapput, kiisalu nutaatut piumasaqaataasut kingunerisaannik avatangiisinut sunniutaasussat ilanngullugit maluginiaqquneqassallutik.

#### **Ilanngussat**

1. 2018-imut Inuusutissarsiortut eqqagaat pillugit malittarisassiat
2. 2018-imut Inoqtigiit eqqagaat pillugit malittarisassiat
3. 2018-imut akigititat allassimaffiat

## **Punkt 04B: Nuup nutaamik Pingaarnertut Aaqqissuunneqarnera**

### **Beslutning**

Inassuteqaat akuerineqarpoq.

### **Bilag**

SAI-BYPLAN-Høringssvar Bilag\_1\_KAL.docx

Bilag 2 dk kal.pdf

## **Nuup nutaamik Pingaarnertut Aaqqissuunneqarnera**

Pingaarnertut Aaqqissuussap nutaap aamma kommunimut pilersaarutitut tapiliussat 37-t inaarutaasumik akuersissutigineqarneri

Aalajangiiffigisassaq

J. nr.: 16.03.01.01-P15-1-17

Sanarfinermut Avatangiisinullu Ingerlatsivik – pisortaagallartoq, Hans Henrik Winther Johannsen / HHWJ

### **Suliassamik eqikkaaneq**

Kommuneqarfik Sermersuup Illoqarfiit pingaarnersaat pillugu periusissiaani anguniakkat piviusunngortinniarlugit, Nuummi Pingaarnertut Aaqqissuunneqarnerup nutaap kommunimullu pilersaarutitut tapiliussat 37-t siunnersuutigineqarneri sap. ak. 10-ni tamanut tusarniaassutigineqarput.

Tusarniaasoqarnerata nalaani Katuami "Kommune ammasoq" tamanut aaqqissuussatut ingerlanneqarpoq, Kommunimit quppersagaq Siorarsiorfik Nuummi inoqutigiinnut agguanneqarpoq, aamma pilersaarutip annertoqisup tunngavia tusarniaassutaasullu tunngavii pillugit paasisutissiiniarluni ingerlatsiviup illoqarfimmi siunnersuisartut Tegnestue kiisalu Ingeniøreqarfiit pulaarpai. Tusarniaasoqarnerata nalaani tusarniaassummut akissuteqaatit 11-t tiguneqarput kingunerisaannillu kommunimut pilersaarummi annikitsunik iluarsisooqarluni. Ilanngussaq 1 innersuussutigalugu.

Sanarfinermut Avatangiisinullu Ataatsimiititap suliaq 22. januar 2018 ataatsimiinnerminni akueraat aammalu Aningaasaqarnermut Inuusutissarsiornermullu Ataatsimiititamut Kommunalbestyrelsimullu ingerlateqqillugu.

Aningaasaqarnermut Inuusutissarsiornermullu Ataatsimiititap suliaq 22. januar 2018 ataatsimiinnerminni akueraat, Kommunalbestyrelsimut pisortatigoortumik atuutilertussanngorlugu inaarutaasumillu akuersissanngorlugu ingerlatillugulu.

### **Inassuteqaat**

Aningaasaqarnermut Inuusutissarsiornermullu Ataatsimiititaliap Kommunalbestyrelsimut inassuteqaatigaa:

- suliaq pisortatigoortumik atuutilertussanngorlugu inaarutaasumillu akuerineqassasoq

### **Suliassamik saqqummiussineq**

Nuup Issittumi illoqarfiit pingaarnersaattut siuarsarnissaa tunngavigalugu Nuummi Pingaarnertut Aaqqissuussaaneq nutaaq suliarineqarpoq, aammalu inissialiornissamut, atuarfiliornissamut, atuarfinnut attuumassutilinnik sunngiffimmi sammisassaqaqtitsinernik sanaartornissanut meeqqerivinnik meeraaqqeriviutigisunik sanaartornissanut illoqarfimmi amigaataaqisunik sanaartornissamut aqutissiuussilluassalluni.

Illoqarfimmi innuttaasut ullumikkut 18.000-ngajaasut akornanni pissusissamisuunngitsumik ullutsinnullu naleqqutinngitsumik ineqartut amerlaqaat. Illoqarfimmut ukiut tamaasa maanna nuuttartut 200-t aamma 300-t akornaniimmata, meeqqerivinni inissat ikiliartorput, maannalu illoqarfimmi meeqqat paaqqutarineqartarnissaannut atuarfimmilu periarfissaqaartinneqarnissaannut qulakkeeriniarneq ajornartorsiutaangaatsialereerpoq.

Kommunalbestyrelsimut ilaasortat tamarmiusut isumaqatigiinnermikkut 2016-imi upernaakkut Illoqarfiit pingaarnersaat pillugu periusissiap anguniagaqarfiulluartup takorluugaqarfiulluartullu akuersissutigineqarneranit, 2016-imi oktobarip qaammataani Siorarsiorfik pillugu pilersaarutip aallartisarnissaa akuersissutigineqarpoq, 2016-imi novembarimi Missingersuutit 2017-2020

akuersissutigineqarput, 2016-imi decembarimi pilersaarut pillugu politikikkut allaffissornikkullu aqutsisooqatigiit akuersissutigineqarput, illoqarfiup inerisarneqarnissaanut pilersaarut illoqarfiullu inerisarneqarnissaanut piginneqatigiiffiup kommunip pigisaata pilersinneqarnissaa 2017-imi januaarimi februaarimilu akuersissutigineqarpoq, kiisalu 2017-imi februaarimi illoqarfiup inerisarneqarnissaanut pilersaarutip tamanut saqqummiunneqarnerani uppernarseqqinneqarpoq, NCD-mut pilersaarut pitsaasumik ineriartortoqassappat pisariaqarlunnartoq.

**Tunngaviusumik najoqqutassaq**

Pilersaarut piviusunngortinniarlugu Nuuk pingaarnertut aaqqissuunneqarnera kommunimut pilersaarummi sersmersooq2028.gl-imi nutarterneqarnissaa pisariaqarpoq, pisariaqartumillu kommunimut pilersaarummut tapiliussamik suliaqartoqarluni. Kommunimut pilersaarutip pingaarnertut ilusaani ineriartortitsinissamut nunaminertanillu atuinissamut pingaarnertut anguniakkat ersiutaapput, aammalu kommunalbestyrelsip soqutiginnittunik misissuisitsineranut naapertuulluni.

Kommunalbestyrelsip 3. oktobari 2017-imi ataatsimiinnermini aalajangerpaa "Nuup nutaamik pingaarnertut aaqqissuunneqarnissaanut siunnersuut" tassungalu ilaatinneqartut kommunimut pilersaarutitut tapiliussat 37-t sapaatip akunnerini 10-ni tamanut tusarniaassutigineqassasut. Tusarniaassuteqarnerup nalaani innuttaasut aalajangiinissamut peqataatinniarlugit kommune arlalitsigut suliniuteqarpoq. Katuami "Kommune ammasoq" tamanut aaqqissuussasut ingerlanneqarpoq, Kommunimit quppersagaq Siorarsiorfik Nuummi inoqutigiinnut agguanneqarpoq, aamma pilersaarutip annertoqisup tunngavia tusarniaassutaasullu tunngavii pillugit paasisutissiiniarluni ingerlatsiviup illoqarfimmi siunnersuisartut Tegnestue kiisalu Ingeniøreqarfiit pulaarpai.

Tusarniaassuteqarnerup nalaani piffissaatillugu illuatungerisanit 10-nit tusarniaassummut akissuteqartoqarpoq tusarniaassuteqartoqareerneratalu kingorna illuatungerisamit ataatsimit tiguisoqarluni.

Aningaasaqarnermut Akileraartarnermullu Naalakkersuisoqarfiup tusarniaassummut akissuteqarnermini naliliinera naapertorlugu, pilersaarutitut siunnersuutaasoq Pilersaarusiornermut inatsimmi § 11 naapertorlugu nuna tamakkerlugu pilersaarutitigut soqutigisanut naapertuuppoq, aammalu pilersaarutitut siunnersuummut missingiutaasumik oqaaseqaateqarluni.

Tusarniaassutitut akissuteqaataasut suliarinerisa kingunerisaanik pilersaarummik tunngaviusumik allannguisoqanngilaq, taamaallaalli aaqqissuunneqarnerata ilai iluarsineqarlutik. Tusarniaassummut akissutaasut tamarmik ilanngussaq 2-mi takuneqarsinnaapput, tusarniaassutinullu akissuteqaatit ingerlatsivimmit suliarineqarneri ilanngussaq 1-imi takuneqarsinnaallutik.

***Aaqqiissutissatut siunnersuut – suliatigut naliliineq***

Siorarsiorfik pillugu pilersaarutip kommunalbestyrelsip takorluugaatut tamakkiisumik piviusunngortinniarneqarnerani, kommunimut pilersaarutitut tapiliussat ilaatillugit kommunimut pilersaarutitigut Nuummi Pingaarnertut Aaqqissuunneqarnerup allanngortinniarneqarnera Sanarfinermut Avatangiisinullu Ingerlatsivimmit naliliineq naapertorlugu pitsaasimaqaaq naammassiuminarsagaallunilu.

Ineriartortitsineq siunissami qulakkeerniarlugu aalajangersakkat inissaqartitsilluartut kommunimut pilersaarutitut tapiliussanut 37-niittunut asuliinnaangitsumik aalajangersakkatut toqqarneqarput. Aalajangersaganngortussat eqqarsaatigalugit aammali saqqummersitaq siullermi ilusissatut najoqqutassamit maleruagassat kommunillu Illuliortaatsimut politikkia eqqarsaatigalugit immikkoortut ineriartortinnissaannut suliassat pillugit ingerlatsivimmit assut qilanaarneqarpoq. Nuummi Pingaarnertut Aaqqissuussami Nutaami immikkoortut piorsarneqarneri ilutigalugit Ilusissatut najoqqutassap malinnaatitarnissaa siunertaavoq.

Immikkuualuttut tamarmik kommunimi ineriartortitsinissamut pilersaarutitut toqqaannartumik ilanngussuunneqassapput, taakkulu Pilersaarusiorneq aamma nunaminertat atorineqarnerat pillugit Inatsisartut inatsisissaat nr. 17, 17. november 2010-meersumi § 38, imm. 3 naapertorlugu

Kommuneqarfik Sermersuumit toqqaannartumik atorneqarsinnaapput imaluunniit pisortat inuilluunniit ataasiakkaat siunertaannut ineriartortitsinermut ingerlatseqatigiiffimmit kommunimit tamakkiisumik pigineqartumit toqqaannangitsumik atorneqarsinnaallutik.

Sanaartugassartai eqqarsaatigalugit pilersaarut angisuupilussuuvoq, kisianni kommunip digitalikkut kommunimit pilersaarutaa [sermersooq2028.gl](http://sermersooq2028.gl)-ikkut inaarutaasumik politikikkut akuersissuteqareernerup tamanullu nalunaaruteqareernerup kingorna, kommunip digitalimik pilersaarutaa [sermersooq2028.gl](http://sermersooq2028.gl)-imi pingaarnertut aaqqissuunneqarsimasutut ataasiinnartut saqqumitinneqassaaq tassaniissappullu aalajangersakkanik pingaarnernik sukumiisunillu nassuiaatitallit kommunimit pilersaarutitut tapiliussat immikkoortitat 37-t.

#### *Aningaasaqarnikkut sulisoqarnikkullu naliliinerit*

Pilersaarutip suliarinera kommunimit pilersaarusiernerup ilagivaa, aningaasatigut immikkut kinguneqarnikuunngitsut.

#### *Inatsisitigut tunngavissaq allakkallu tunngaviusumik uppernarsaatitallit*

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq & Kommunimit pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Politikikkut inaarutaasumik akuersissutigineqareerpata, kommunimit pilersaarummi Pingaarnertut Aaqqissuunneqarnera immikkuualuttullu 37-t aaqqissuunnissaannut ilanngussaq 1 naapertorlugu, aamma pilersaarusiernerum inatsimmi § 25 Kommunimit pilersaarutit inaarutaasumik akuersissutigineqartartut tamanut nalunaarutigineqarneri naapertorlugit ataatsimut pilersaarutip tamanut saqqummiunnissaanut ingerlatsivik sap. ak. 12-nik periarfissaqarpoq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatissaqanngilaq tusarniaassumullu akissuteqaataasut allannguinnissamik nassataqartitsinnginneri pitsaasutut qisuariarfigalugit.

#### **Siornatigut aalajangerneq**

*Sanarfinermut Avatangiisinullu Ataatsimiititap 22. januar 2018 aalajangernera:*  
Inassuteqaatit akuerineqarput.

*Aningaasaqarnermut Inuussutissarsiormullu Ataatsimiititap aalajangernera 9. februaari 2018-meersoq:*

Inassuteqaatit akuerineqarput.

#### **Innuttaasunik peqataatitsineq/attaveqatigiinneq**

Pilersaarut tamanut saqqummiussassanngortillugu Aningaasaqarnermut Akileraartarnermullu Naalakkersuisoqarfimmi oqartussaqaarfinnut nassiussassatut allassimaffiannut, kiisalu kommunip nittartagaatigut aamma Nuuk Ugeavisikkut saqqummiussassanngortinneqassapput.

#### **Ingerlatsivinnit allanit oqaaseqaatit**

Ingerlatsivinnit allanit oqaaseqaatinik pissarsiniartoqarsimanngilaq.

#### **Ilanngussaq**

1. Tusarniaassummut akissutit ingerlatsivimmit suliarineri.
2. Tusarniaassummut akissutaasut tamarmik

## **Punkt 04C: PANAM 2018-imut taperneqaqqinnissamut qinnuteqaat**

### **Beslutning**

Inassuteqaat akuerineqarpoq.

### **Bilag**

BILAG\_PANAM2018-Skrivelse-fra-GrÃnlands-HÃndbold-Forbund\_KAL.docx

## **PANAM 2018 taperneqaqqinnissaanut qinnuteqaat**

Aalajangiiffigisassaq

J.nr.:55:02

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

### **Suliassamik eqikkaaneq**

Meeqqanut Atuarfeqarnermullu Ingerlatsivik PANAM 2018 ingerlanneqarnissaanut Kalaallit Nunaanni assammik arsaattartut Kattuffianiit (GHF) 1,5 mio. koruunik aningaasartallimmik qinnuteqaammik tigusaqarsimavoq. Qinnuteqaammut toqqammavigineqarput siusinnerusukkut aningaasartuutissat missingersuusiarineqarnerannut tunngavissatut aalajangersakkat, taakkuusullu Kalaallit Nunaata unammersuarnissamut ingerlatsinissaanut akuerineqarneranut maannakkumut toqqammavigineqartut, allanngornerat, ilaatigut ataqatigiissaarinissat kiisalu timmisartunut aningaasartuutit ilimagisamit annertunerunerat peqqutaallutik.

Meeqqanut Atuarfeqarnermullu Ingerlatsivik 2018-imi 1,0 mio. koruunit tapiissutissatut akuerineqareersut saniatigut PANAM2018-imum tapiissutissanik immikkoortitsinikuunngilaq. Tamanna pissutigalugu Meeqqanut Atuarfeqarnermullu Ingerlatsiviup innersuussutigaa, qinnuteqaat akuerineqassappat, kommunip karsianit tapiissutit aningaasalerneqassasut.

Meeqqanut Atuarfeqarnermullu Ataatsimiititap suliaq 22. januar 2018 ataatsimiinnerminni akueraat.

Aningaasaqarnermut Inuusutissarsiornermullu Ataatsimiititap suliaq 22. januar 2018 ataatsimiinnerminni akueraat.

### **Inassuteqaatit**

Aningaasaqarnermut Inuusutissarsiornermullu Ataatsimiititaliap Kommunalbestyrelsimut inassuteqaatigaa:

- Tapiissutit kommunip karsianik aningaasalersorneqassasut.

### **Suliassamik saqqummiussineq**

Kalaallit Nunaanni assammik arsaattartut Kattuffiat PANAM 2018 ingerlanneqarnissaanut 1,5 mio. koruunik aningaasartallimmik aammaarlutik qinnuteqaammik tunniussipput.

Qinnuteqaammut toqqammavigineqarput, siusinnerusukkut aningaasartuutissat missingersuusiarineqarneranut tunngavissatut aalajangersakkat allanngorsimanagerat. Tapiissutinik arlaqarnernik pisariaqartitsineq peqquteqarpoq aningaasarsiornermut tunngavissatut siunniussat ilaasa piviusunngunngitsoornissaat. Aningaasartuutit ilaatigut annertuumik qaffariarsimapput, aamma unammersuarnissaq ilimagisamit niuerutigineqarnissaminut naleqarpallaarsimangilaq, naak missingersuusiornermi tamanna naatsorsuutigineqarsimagaluartoq.

Kalaallit Nunaata unammersuarnissamut aqqiussuussinissaata piviusunngortinneqarneranut piunasaqaataasut ilagaat Amerika kujallermiit, Amerika qiterlermiit kiisalu Amerika avannarlermiit peqataasussat Mexico-miit/Panamiit Nuummumut timmisartumik attartornikkut ingerlanneqarnissaat qulakkeerneqassasoq. Tamannalu naatsorsuutigisamit marloriaammik akeqassasoq paasineqarpoq. Taassumalu saniatigut unamminarsimavoq timmisartumik amerlasuunik ilaasoqarsinnaasumik pissarsinissaq, tamannalu aamma GHF-p aningaasartuutaanut annertusaataasut ilagaat. Maannakkumut timmisartumik angallassinissat aningaasartuutissanit kisiartaapput. Timmisartuussinissat tamarmik, Kalaallit nunaata iluani timmisartuussinissat ilanngullugit, missingersuutit 15,0 mio. koruuniusut iluanni 7,0 mio. koruunit tungaanut akeqarput.

Taakkulu saniatigut aningaasartuut annertoq, tassalu inissaqartitsiniarneq (3,2 mio. koruunit missaaniippoq).

#### *Aaqqiissutissatut siunnersuut – suliatigut naliliineq*

Ukiunut 2017-mut 2018-mullu agguarneqartussanik tapiissutinik katillugit 2,0 mio. koruuninik tunniussisoqarneratigut, suliatigut naliliinermi ersippoq, Ingerlatsivup innersuussutigigaa AWG-mut pilersaarut assigalugu assigiimmik tunngavissaqarluni ingerlanneqassasoq, tassa aqqiissuisoqarluni (hosteqarluni), aqutsisoqarluni ulluinnarnilu aqutsisoqarluni. Matumani aningaasaqarnerup aqunneqarnera eqqarsaatigalugu pingaarnertut inissisimanissaa, pissutigalugu aningaasartuutit aqunneqarsinnaajunnaarnissaat kommunimut iluaqutaanaviangimmata.

Meeqqanut Atuarfeqarnermullu Ingerlatsiviup ilungersornartutut isigaa, qaammatit arfineq pingasut qaangiutiinnartut naatsorsuutigineqarmat aningaasat 5,0 mio. koruuningajaat amigaatigineqartut, taakkulu saniatigut aarlerinartortaqluni suli 1,5 mio. koruunit amingaatigineqarnissaat. Taamaattoq Meeqqanut Atuarfeqarnermullu Ingerlatsiviup oqaatigerusuppaa, ingerlatsinermut komitiip kiisalu Kattuffiup aningaasaqarniarnertik ilisimaaralugu, tassani ilanngullugit tapiissutit isertitassatullu naatsorsuutigineqarsimasut allanngornerat ilisimaaralugit, iliuseqarnerat ersarimmat. Soorlu Kattuffiup aalajangersimagaa sammisassaqartitsinerit annikillineqassasut aningaasartuutissat annikillisarmlugit.

#### *Aningaasatigut sulisoqarnikkullu naliliinerit*

Ullumikkut PANAM 2018 15,2 mio. kr.-nik missingersuuteqarpoq. Isumaqatigiissutit sponsorillu katillugit 8,5 mio. kr.-nit matussusissavaat, taakkulu saniatigut neriorsuutit isertitassatullu naatsorsuutigineqartut 1,7 mio. kr.-nit naatsorsuutigineqarput. Tassani ilaatinneqanngillat isertitassatut naatsorsuutigineqartut piviusunngortinneqarsinnaanerminnut nalornisitsisut. Taamaattumik pilersaarussiaq ullumikkut 4,9 mio. kr.-inik amingaateqarpoq, taakkulu saniatigut aarlerinartortaqluni suli 1,5 mio. kr. amingaatigineqarnissaat.

Kommuneqarfik Sermersooq 2017-mi 1,0 mio. kr. siunertamut tapiivoq, soorlu kommunip aamma ilimasaarutigereeraa 2018-mi 1,0 mio. kr. tapiiniarluni.

Qinnuteqaat akuerineqassappat, taamalu 1,5 mio. kr.-inik tapiisoqassappat, Meeqqanut Atuarfeqarnermullu Ingerlatsiviup innersuussutigigaa aningaasat immikkut aningaasaliissutit kommunip karsianit aaneqassasut, tamanna peqquteqarpoq Ingerlatsiviup 2018-mut missingersuutinut siunertamut aningaasartuutissanik immikkoortitsisimanginnera.

#### *Inatsisitigut tunngavissaq allakkallu tunngaviusumik uppernarsaatitalit*

Illoqarfiit pingaarnersaat pillugu periaasissaq

#### *Ingerlariaqqinnissaq*

Innersuussutigineqartut akuerineqarpata tapiissutit 2018-imi kvartalip siulliup naalernerani tunniunneqassapput.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfiup maluginiarpaa ilassutit aningaasaliissutit suliarineqarneranut atatillugu ilanngunneqarsimanngitsoq, tamannalu naapertuutinnigilaq.

#### **Siornatigut aalajangerneq**

*Meeqqanut Atuarfeqarnermullu Ataatsimiititap aalajangernera 22. januar 2018-imeersoq:*  
Inassuteqaatit akuerineqarput.

*Aningaasaqarnermut Inuussutissarsiornermullu Ataatsimiititap aalajangernera 9. februaari 2018-imeersoq:*

Inassuteqaatit akuerineqarput.

**Innuttaasunik peqataatitsineq/attaveqaqatigiinneq**  
Soqanngilaq

**Ingerlatsivinniit allaniit oqaaseqaatigineqartut**  
Soqanngilaq

**Ilanngussaq/Ilanngussat**

1. Ilanngussaq PANAM 2018 – Kalaallit Nunaanni assammik arsaattartut Kattuffiata allakkiaa.

# **Punkt 04D: Inussivik nunanut allanut akuerisaasumik unammersuaartarfittut atorsinnaangortinniarlugu Kommunalbestyrelsimut qinnuteqaatit pisariaqartitat pillugit siunnersuut**

## **Beslutning**

Oqaluuserisassap suliarineqarnerani Jens Kristian Berthelsen (S) taasinermi ilaanngilaq suliamut qanippallaarluni nalunaarami.

Suliaq pillugu taasisoqarpoq.

Siunnersuut amerlanerussuteqartunit ukuusunit 12-usunit, Inuit Ataqatigiinnit aamma Demokraatinit ilaasortanit, taparserneqanngilaq.

Siunnersuut ikinnerussuteqartunit arfiniliusunit, Siumumiit ilaasortanit taparserneqarpoq.

Siunnersuut taparserneqanngilaq.

## **Bilag**

Scannet på en multifunktionel Xerox-maskine.pdf

## **Inussivik nunanut allanut akuerisaasumik unammersuaartarfittut atorsinnaangortinniarlugu Kommunalbestyrelsimut qinnuteqaatit pisariaqartitat pillugit siunnersuut**

Kommunalbestyrelsimut ilaasortap Jens Kristian Berthelsen-ip (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - kommunaldirektøri Lars Møller-Sørensen /LMS

### **Suliassamik eqikkaaneq**

Kommunalbestyrelsimut ilaasortaq Jens Kristian Berthelsen (S) oktoberip18-iani 2017-imi Kommunalbestyrelsimut Inussivik nunanut allanut akuerisaasumik unammersuaartarfittut atorsinnaangortinniarlugu Kommunalbestyrelsimut qinnuteqaatit pisariaqartitat pillugit aalajangiiffigisassatut siunnersuummik nassiussivoq.

Suliaq siullermeerluni siunnersuutigineqarpoq 2018-imut missingersuutit suliarineqarneranut tunngatillugu. Tassani ataatsimiititaliap innersuutigaa suliaq itigartinneqassasoq imannak oqaasertalerlugu, suliaq tunngaviumik akuerineqartoq kisiannili Amerikap nunavittaani pissartanngorniuttoqarneranut aqutsisuusut Aningaasaqarnermut Inuussutissarsiornermullu Ataatsimiititap 14. december 2018 ataatsimiinnerani saqqummeeqqaassasut. Aqutsisut saqqummeereernerata kingorna Jens Kristian Berthelsen-ip suliaq qaqeqqissallugu aalajangiuppaa.

### **Inassuteqaat**

Suliffeqarfimmut Kiffartuussiviup Kommunalbestyrelsimut inassuteqaatigaa:

- Jens Kristian Berthelsen-ip siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

### **Suliassamik saqqummiussineq**

Kommunalbestyrelsimut ilaasortaq Jens Kristian Berthelsen (S) oktoberip18-iani 2017-imi Kommunalbestyrelsimut Inussivik nunanut allanut akuerisaasumik unammersuaartarfittut atorsinnaangortinniarlugu Kommunalbestyrelsimut qinnuteqaatit pisariaqartitat pillugit aalajangiiffigisassatut siunnersuummik nassiussivoq.

Siunnersuuteqarnermut tunngavilersuut:

Naluneqanngitsutut 2018 juni-mi Kalaallit Nunaata oqaluttuarisaanerani aatsaat taamak annertutigisumik pisoqalerpoq assammik arsarnerup tungaatigut, tassa assammik arsarluni pissartanngorniunneq Panamerikansk Mesterskab Inussivimmi pisussa.

Inussivik Nunanut allanut unammisarfittut atorsinnaangorniarlugu pisariaqarpoq uffarfeqarnissaa hold-inut sisamanut aamma dommer-it inigisinnaasaannik, taamatuttaa pisariaqarpoq qaliarsuani silaannarissarfilerneqarnissaa.

Inussivik ukiorpassuannortuni annertuumik assigiinngitsunik atorneqartarpoq aamma nuannarineqarluarluni anginera aamma inissaqarluarnera pissutaalluni. Inussivik sananeqarnikuuvoq iluamik eqqarsaatigilluagaanngitsumik sumut atorneqarsinnaanerani, tassami ullutsinni annertuumik pisussaqaartillugu ineeqqanik allanik amigaateqartarpoq, soorlu ukiuni kingullerni annertuumik pisoqarnerani misigigiput AWG, Futsal landskamp DK-GRL, Vest Norden Travel Mart, cirkus, koncert Lucas Graham il.il. aamma siunissaq isigalugu naatsorsuutigilluinnarpara pisussanik allanik annertuunik pisoqartalerumaartooq.

Unammisartut assammik arsartartut uffarfinnik pioreersunik assinganik amigaateqarpoq. Nalungilarput 2016-mi AWG-qarmat aamma taamatut ajornartorsiut pisimasoq, taamaalilluni uffartarfiit Containerit sisamanik attartortoqarsimavoq Inussivimmu atugassanik aningaasanillu annertuumik atuiffiusumik. Isumaqaarpunga taamatut attartuisaqaattaarnani Inussivik uffartarfinnik pioreersut assinganik sanaartortoqartariaqartog siunissaq aamma eqqarsaatigalugu soorlu aamma GM-ertoqartillugu aammalumi børne-cupini hold-it arlaliugaangamik uffarfiit amigaatigineqartuaannarput.

Inussivik aamma amigaateqarpoq dommer-it inigisinnaasaannik, tassa dommer-it pisariaqartippaat immikkut ini-mik pillutik eqqartuisarsinnaanissartik aammalumi atorneqarsinnaalluni unammisartunut piareersartarfittut (taktik-møde), soorlu aamma sulisut / nakkutilliisut ulluinnarni atorsinnaasaannik.

Ullumikkut Inussivimmi nakkutilliisut sulisut peqqinnangitsumik allaffeqarput dommer-it unammersuuartoqartillugu aamma atortagaannik, klub-illu tuniniaagaangamik piareersaasiorfittut atortarlugu soorlu aamma Kaffeliorfigisarlugu. Sulisut allaffiat igalaaqanngilaq, silaannarissartarfeqanngilaq aamma kiassaateqarnani. Sulisut allaffiat aamma atorneqartarpoq asaataasivittut, qaqorsaasivittut naternut maskiinaasivittullu soorlu aamma atorneqartarluni asaareeraanni imeq ipertoq kuiffigisarfittut, tassa imaappoq allaffik taamatut atussallugu inerteqqutaagaluarpoq.

Inussivik inoqarluartillugu silaannaluttarnera, aamma kingunerisarlugu isugutatitsingaatsiartarnera. Ukioq 2016-mi AWG-qannginnerani ukiorpassuit ajornartorsiutaasartut , tassa qaliarsuani silaannarissartarfiit ammarneqarsinnaannginneri aamma silaannarissartarfiit igalaaqusut sinaatigut qaliarsuaniit sialuk aamma aalaq kuuttarnera. Taakku ajornartorsiutit suliarineqarput iluarsineqarlutillu, kisianni paaseneqarpoq taakku silaannarissartarfiit igalaaqusut ukiuunerani ammarneqarsinnaanngitsut aput nillerlu peqqutigalugit qerisarneri, taamaattumik aatsaat ikuallattoqartillugu ammarneqarsinnaallutik.

Taamaalilluni aalajangertoqarpoq immikkoortunik silaannarissartarfilerneqassasoq, tassa Inussiviup igaani qilaavani qutsissumi immikkut marlunnik nutsoruuttunik silaannarissartarfeqalernissaa.

Qinnuteqaatigineqartuni siulleg tassa uffarfiit, sulisut allaffiat, dommer-it aammalu unammisartut inigisinnaasaat ataatsimoorfiusinnaasoq nalilernerqarput 3,5-miit – 3,8 million tungaanut, taakku kisitsisit nalilersorneqarput Peter Oluf Mayer Bygningskonstruktør BTH aamma tegnestuen Nuuk A/S ikiortigalugit soorlu aamma titartarneqarnera tegnestuen Nuuk A/S suliarisimagaa.

Qinnuteqaatigineqartuni aappaattut silaannarissarfinnut tungasoq nalilernerqarpoq kr. 200.000,00 tungaanut.

Ilanngussani takuneqarsinnaavoq titartagaq nr.1 pioreersoq, taavalu nutarterneqarnissaanut titartagaq siunnersuut nr. 2 Tegnestuen Nuuk A/S'p suliarisimasaa. Uani eqqaasissutigilaassavara titartagaq Kommuneqarfik Sermersooq 2014-mi titartartissimasaa atorlugu suliarineqarmat, kisianni ilaannakortumik naleqqussaannermik suliarineqarluni.

#### *Aaqqiissutissatut siunnersuut – suliatigut naliliineq*

Borgmesterip Allatseqarfiata innersuussutigaa, siunnersuut ataatsimiititamut susassaqtumut ingerlateqqinneqassanersoq Kommunalbestyrelsimi aalajangerneqassasoq.

#### *Aningaasaqarnikkut sulisoqarnikkullu naliliinerit*

Aningaasatigut sulisoqarnikkullu naliliinerit, suliap ataatsimiititamut susassaqtumut ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

### *Inatsisitigut tunngavissaq allakkallu tunngaviusumik uppermarsaatitalit*

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik suliarinneqqusilluni allakkatigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

### *Ingerlariaqqinnissaq*

Kommunalbestyrelsip aalajangernera Borgmesterip Allatseqarfianit allaffissornikkut suliarineqassaaq.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

### **Siornatigut aalajangerneq**

*Kommunalbestyrelsip aalajangernera 21. november 2017:*

Oqaluuserisassamut ilanngunnarpoq nr. 31.

P5 oqaluuserineqarnerani Asii Chemnitz Narup (IA) ilaanngilaq.

Inassuteqaatit akuerineqarput imannak oqaasertalerlugit:

- infrastrukturbidragi peerneqarpoq.

*Aningaasaqarnermut Inuussutissarsionermullu Ataatsimiititap aalajangernera 9. November 2017:*

- P7: Jens Kristian Berthelsen suliap eqqartorneqarnerani ilaanngilaq.

Itigartinneqarpoq, taarsiulluguli siunnersuutigineqarpoq Amerikap iluani

pissartanngorniunnissamut pillugu suliame aqutsisut saqqummiussinissamut

periarfissinneqassasut 14. december ataatsimiinnermi saqqummiussinissaannut.

Suliaq tunngaviusumik akuerineqarpoq.

### **Innuttaasunik peqataatitsineq/attaveqaqatigiinneq**

Soqanngilaq.

### **Ingerlatsivinniit allaniit oqaaseqaatigineqartut**

Ingerlatsivinnit allanit oqaaseqartitsisoqanngilaq.

### **Ilanngussat**

1. Illup titartarneqarnera

## **Punkt 04E: Nuussuarmi biilit avammut nakkarnaveeqquserneqarnissaanut siunnersuut**

### **Beslutning**

Kommunalbestyrelsip siunnersuut taperserpaa aammalu Sanarfinermut Avatangiisinullu Ataatsimiititamut ingerlateqqillugu.

## **Nuussuarmi biilit avammut nakkarnaveeqquserneqarnissaanut siunnersuut**

Kommunalbestyrelsimut ilaasortap Peter Davidsen-ip (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - kommunaldirektøri Lars Møller-Sørensen /LMS

### **Suliassamik eqikkaaneq**

Kommunalbestyrelsimut ilaasortaq Peter Davidsen (S) februarip sisamaani 2018-imi Kommunalbestyrelsimut aalajangiiffigisassatut Nuussuarmi biilit avammut nakkarnaveeqquserneqarnissaanut siunnersuuteqarpoq.

### **Inassuteqaat**

Suliffeqarfimmut Kiffartuussiviup Kommunalbestyrelsimut inassuteqaatigaa:

- Peter Davidsen siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

### **Suliassamik saqqummiussineq**

Kommunalbestyrelsimut ilaasortaq Peter Davidsen (S) februarip sisamaani 2018-imi Kommunalbestyrelsimut aalajangiiffigisassatut Nuussuarmi biilit avammut nakkarnaveeqquserneqarnissaanut siunnersuuteqarpoq.

Siunnersuuteqarnermut tunngavilersuut:

Ukiakkut upernaakkullu aqquuserngit quatsikkaangata Nuussuarmi aqqusineq (Qaavaniit Nuussuup arsararfiata tungaanukartoq) arlaleriarluni ajutoorfiusarpoq. Inissiat aqusernup sinaaniimmata (illut tungaannut sivinganeqarluni) ajornerusumik pisoqartinnagut illut tungaannut biilit avammut nakkarnaveeqqutaannik (autoværn) illersuuserneqarnissaa pisariaqartutut isigigakku siunnersuuteqarpunga.

Uani siunnersuummi siunertaavoq ajutoortoqartinnagu sillimaniarluni iliuseqartoqarnissaa. Ukunani ataani kakkigussani takuneqarsinnaavoq Nuussuarmi inissiat eqqaanni ajutoortoqartarnera.

<http://sermitsiaq.ag/kl/node/94185>

<http://sermitsiaq.ag/kl/node/93661>

Ingerlatsivimmut aquserngit isumannaatsuunissaannut aserfallataalinissaannullu aningaasaliissutigineqartut iluanni isumagineqarsinnaavoq

*Aaqqiissutissatut siunnersuut – suliatigut naliliineq*

Borgmesterip Allatseqarfiata innersuussutigaa, siunnersuut ataatsimiititamut susassaqtumut ingerlateqqinneqassanersoq Kommunalbestyrelsimi aalajangerneqassasoq.

*Aningaasaqarnikkut sulisoqarnikkullu naliliinerit*

Aningaasatigut sulisoqarnikkullu naliliinerit, suliap ataatsimiititamut susassaqtumut ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

*Inatsisitigut tunngavissaq allakkallu tunngaviusumik uppersaatitalit*

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

§ 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:  
Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik suliarinneqqusilluni allakkatigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

*Ingerlariaqqinnissaq*

Kommunalbestyrelsip aalajangernera Borgmesterip Allatseqarfianit allaffissornikkut suliarineqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinniit allaniit oqaaseqaatigineqartut**

Ingerlatsivinnit allanit oqaaseqartitsisoqanngilaq.

**Ilanngussat**

Soqanngilaq

## **Punkt 04F: Kulusummi takornariarneq eqqarsaatigalugu annertusisamik nunaqarfiup mittarfiullu immikkut aqqissuussivigineqarnissaa pillugu siunnersuut**

### **Beslutning**

Suliaq pillugu taasisoqarpoq.

Siunnersuut amerlanerussuteqartunit ukuusunit aqqaneq marluusunit, Inuit Ataqatigiinnit aamma Demokratinit ilaasortanit, taparserneqanngilaq.

Siunnersuut ikinnerussuteqartunit arfineq marluusunit, Siumumiit ilaasortanit taparserneqarpoq.

Siunnersuut taparserneqanngilaq.

# **Kulusummi takornariarneq eqqarsaatigalugu annertusisamik nunaqarfiup mittarfiullu immikkut aaqqissuussivigineqarnissaa pillugu siunnersuut**

Kommunalbestyrelsimut ilaasortap Laura Táunâjiup (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - kommunaldirektøri Lars Møller-Sørensen /LMS

## **Suliassamik eqikkaaneq**

Kommunalbestyrelsimut ilaasortaq Laura Táunâjik (S) januarip 29-anni 2018

Kommunalbestyrelsimut aalajangiiffigisassatut Kulusumi takornariaqarneq eqqarsaatigalugu annertusisamik nunaqarfiup mittarfiullu immikkut aaqqissuussivigineqarnissaa pillugu siunnersuuteqarpoq.

## **Inassuteqaat**

Suliffeqarfimmut Kiffartuussiviup Kommunalbestyrelsimut inassuteqaatigaa:

- Laura Táunâjiup siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

## **Suliassamik saqqummiussineq**

Kommunalbestyrelsimut ilaasortaq Laura Táunâjik (S) januarip 29-anni 2018

Kommunalbestyrelsimut aalajangiiffigisassatut Kulusumi takornariaqarneq eqqarsaatigalugu annertusisamik nunaqarfiup mittarfiullu immikkut aaqqissuussivigineqarnissaa pillugu siunnersuuteqarpoq.

Siunnersuuteqarnermut tunngavilersuut:

Kulusuk mittarfeqarfiuvoq avataaniit tikerarneqarluartartoq, illoqarfimmullu nunaqarfinnullu qitiusumik angallaffiusoq. Takornariaqarnikkut inerisaruminartoq, ataqatigiissumik pilersaaruserluarneratigut aningaasaqarnikkut ineriartortilluarneqarsinnaasoq. Ullumikkut killiffik eqqarsaatigalugu Kulusuk innuttaalumi allamiut takornarialerisut "ipsisikiartuaarpaat", pissutaasoq nassuerutigineqanngippat sulii maannamit "artornarnerulerluni" nunaqavissunik periarfissat annaaneqartussaapput. Aningaasat isertitat akileraarutitigullu isertinneqartussaagaluit tassuuna annaaneqartuaannarput. Aningaasarsiorneq qernertumik ingerlasoq taamaalilluta "akiorniarneqarsinnaalluni". Naqqanniit aallartittoqanngippat alloriartoqarnaviangilaq. Tassani eqqarsaatigaara qanoq iliussissanik sinaakkutit tigussaasut aallaavigalugit periusissiorartoqartariaqartoq, tunumi takornarialerisut peqatigalugit aallartittoqassasoq kaammattuutigaara aallartittoqassasorlu.

Tasiilami mittarfittaarnissaq sulii sinnattuinnaagallarpoq, taamaattumik inerisaanissaq ukiuni 20-ni utaqqiseqqinneqarsinnaangilaq, Kulusuk piaartumik inerisaaffigineqartariaqarpoq. Tassani anguniarneqarpoq immikkut imaluunniit aningaasaliissutit amerlineqassasut, ukununga atugassatut.

- Nunaqarfiup saligaatsuulluinnarnissaa tikikkuminartuunissaa
- Takornarialerisut sutigut tamatigut pikkorissarneqarnissaat
- Eqqumiitsuliortut sanaluttartut peqataatilluarneqassapput
- Nunaqarfiup tunniussinnaasai tuniniaanikkut amerlisarneqarluarnissaat
- Avammut nittarsaalluarneqarnissaa sorpassuartigut, il.il.

Ukiorpaalussuit Kulusuk takornariaqarfiuvoq aalaakkaasumik takornariarneqarluartartoq, pingaartumik aasaanerani takornarissat ulluinnarlutik takornariartartut tikittuartarpaat, qaammat *Juni-miit September-ip tungaanut*. Ukiuuneranilu qimussimik sisoraraatinilu misigisassarsiorfigineqarluartarluni, *Februar-imiit Maji tungaanut*. Tamanna annerusumik ullutsinnut naleqquttumik ineriartorteqqinneqarsimanngilaq, soorlu nunaqarfiup eqqiluutsuutinneratigut, nunaqavissunillu angallalisartoqarani, angallassisartut guide-t, outfitter-it, tammajuitsussarsiaralugu niuertarfik, quppersagaaqqanilu paasissutissartalinnik tunioraavik il.il. Kisitsisit tutsuiginartut takutippaat takornariaqarneq tunumi annertusiartortoq. Aningaasarsiorneq nunaqqataasunik pingaartumik nunaqavissunik amerlanerusunik pissarsissutigineqartarnissaa annertusarneqartariaqartoq. Tamanna anguneqarsinnaavoq suleqatigiinnikkut, kommuneqarfik sersersooq, destination east greenland, suleqatigineqarsinnaasullu allat peqatigalugit pilersaarusiortneratigut ineriartorneq malunnaateqartoq pilersinneqassaaq.

#### *Aaqqiissutissatut siunnersuut – suliatigut naliliineq*

Borgmesterip Allatseqarfiata innersuussutigaa, siunnersuut ataatsimiititamut susassaartumut ingerlateqqinneqassanersoq Kommunalbestyrelsimi aalajangerneqassasoq.

#### *Aningaasaqarnikkut sulisoqarnikkullu naliliinerit*

Aningaasatigut sulisoqarnikkullu naliliinerit, suliap ataatsimiititamut susassaartumut ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

#### *Inatsisitigut tunngavissaq allakkallu tunngaviusumik uppersaartitalit*

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasorta, kingusinnerpaamik ataatsimiiffissaq sioqqullugu ullut 14-it qaangiutsinnagit suliasamik suliarinneqqusilluni allakkatigut qinnuteqassaaq, suliasaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

#### *Ingerlariaqqinnissaq*

Kommunalbestyrelsip aalajangernera Borgmesterip Allatseqarfianit allaffissornikkut suliarineqassaaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

#### **Innuttaasunik peqataatitsineq/attaveqaatigiinneq**

Soqanngilaq.

#### **Ingerlatsivinniit allaniit oqaaseqaatigineqartut**

Ingerlatsivinnit allanit oqaaseqaatitsisoqanngilaq.

#### **Ilanngussat**

Soqanngilaq

## **Punkt 04G: Kapisillit tunisaalernissaannut siunnersuut**

### **Beslutning**

Oqaluuserisassaq tunuartinneqarpoq.

## **Kapisillit tunisaalernissaanut siunnersuut**

Kommunalbestyrelsimut ilaasortap Henrik Rachlev (IA) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - kommunaldirektøri Lars Møller-Sørensen /LMS

### **Suliassamik eqikkaaneq**

Kommunalbestyrelsimut ilaasortap Henrik Rachlev (IA) februarip 07-ani 2018-imi Kommunalbestyrelsimut aalajangiiffigisassatut kapisilinnik tunisaasoqalernissaanut siunnersuuteqarpoq.

### **Inassuteqaat**

Suliffeqarfimmut Kiffartuussiviup Kommunalbestyrelsimut inassuteqaatigaa:

- Henriks Rachlev-ip siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

### **Suliassamik saqqummiussineq**

Kommunalbestyrelsimut ilaasortap Henrik Rachlev (IA) februarip 07-ani 2018-imi Kommunalbestyrelsimut aalajangiiffigisassatut kapisilinnik tunisaasoqalernissaanut siunnersuuteqarpoq.

Siunnersuuteqarnermut tunngavilersuut:

Aalisakkat kapisilik tunisassiorfinni tunisaalernissaat Kommuneqarfik Sermersooq kommunalbestyrelse, Naalackersuisunut siunnersuuteqarnissaat siunnersuutigaara. Aalisartut piniartut aamma saniatigooralugulu piniartut saaffiginnissutigalugu oqariartuutigisarmassuk, kapisillit kuukkut majorniartillutik tattoqillutik amerlangaarmata amerlasuut toquinnartarsimanerarmassuk. Kapisillit tunisaalernissaanut naalackersuisoqarfimmut isumaqatiginninniarnissaat suliniuteqarnissaq pisariaqarlerpoq.

Naalackersuisunut saqqummiunneqarnissaa siunnersuuteqarfigineqarnissaa kommuneqarfik sermersooq kommunalbestyrelse siunnersuuteqassasoq siunnersuutigaara.

Tunisassiarineqarlerpat nunatta aningaasaqarneranut iluaqutaallualernissaa upperalugu piviusorsioramat.

Aalisakkammi tamakkua maannamut annerusumik kalaalimineerniarfinni tunisaanerat pivoq. Naak nunatsinni aningaasarsiornermut ingerlalluartitsisinnaalutik annertungaatiamik

### ***Aaqqiissutissatut siunnersuut – suliatigut naliliineq***

Borgmesterip Allatseqarfiata innersuussutigaa, siunnersuut ataatsimiititamut susassaqartumut ingerlateqqinneqassanersoq Kommunalbestyrelsimi aalajangerneqassasoq.

### ***Aningaasaqarnikkut sulisoqarnikkullu naliliinerit***

Aningaasatigut sulisoqarnikkullu naliliinerit, suliap ataatsimiititamut susassaqartumut ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

### ***Inatsisitigut tunngavissaq allakkallu tunngaviusumik uppernarsaatitalit***

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangernissaanut inatsisitigut

aalajangersakkat sukkulluunniit malinneqartussaataitasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:  
Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik suliarinneqqusilluni allakkatigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

*Ingerlariaqqinnissaq*

Kommunalbestyrelsip aalajangenera Borgmesterip Allatseqarfianit allaffissornikkut suliarineqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinniit allaniit oqaaseqaatigineqartut**

Ingerlatsivinnit allanit oqaaseqartitsisoqanngilaq.

**Ilanngussat**

Soqanngilaq

## **Punkt 04H: Amminik tunitsiveqalernissamut siunnersuut**

### **Beslutning**

Kommunalbestyrelsen siunnersuut taperserpaa aammalu Aningaasaqarnermut Inuussutissarsiornermullu Ataatsimiititamut ingerlateqqillugu.

## **Amminik tunitsiveqalernissamut siunnersuut**

Kommunalbestyrelsimut ilaasortap Rolf Píke-p (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmut Kiffartuussivik - kommunaldirektøri Lars Møller-Sørensen /LMS

### **Suliassamik eqikkaaneq**

Kommunalbestyrelsimut ilaasortaq Rolf Píke (S) februarip 5-ani 2018-imi Kommunalbestyrelsimut aalajangiiffigisassatut amminik tunitsiveqalernissamut siunnersuuteqarpoq.

### **Inassuteqaat**

Suliffeqarfimmut Kiffartuussiviup Kommunalbestyrelsimut inassuteqaatigaa:

- Rolf Píke-p siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

### **Suliassamik saqqummiussineq**

Kommunalbestyrelsimut ilaasortaq Rolf Píke (S) februarip 5-ani 2018-imi Kommunalbestyrelsimut aalajangiiffigisassatut amminik tunitsiveqalernissamut siunnersuuteqarpoq.

Siunnersuuteqarnermut tunngavilersuut:

Piniartut Peqatigiit Ittoqqortoormiuni ataatsimeeqatigineranni, maani piniartut peqatigiiffiata kissaataat.

Ittoqqortoormiuni piniartut siulersuisuisa kissaatigaa amminik tunitsiveqalernissaaq .

Maani Ittoqqortoormiuni piniartortatta kissaataasa annersaraat amminik tunitsivimmik Ittoqqortoormiuni peqalernissaaq qattaavittalimmik.

Ukiuni kingullerni tunitsivissaaleqineq Ittoqqortoormiuni assut amigaataanera pissutaalluni piniartut amminik eqqaaginnartarsimapput, Amminik tunitsivimmi namminersorluni maani Ittoqqortoormiuni peqaraluarpoq Kisianni tigusinnaasaai killeqarlutik qeritsitsivissaaleqineq pissutaalluni, tamannalu aamma angerlarsimaffimmi tigooraaneq ingerlanneqartarluni, taamaattumik tunitsivimmik tigooraalluarsinnaasumik peqarnissaaq pingaaruteqartoq paasinarsivoq.

Tunitsivimmik illutalimmik qattaavittaqtartumik taamaasilluni suliffissaqartitsinissaaq aamma ingerlanneqalissammat amerlanerusunillu amminik tigooraasoqalernissaa tassuuna anguneqassalluni.

Amminik tigooraavissaaq aallartinneqarpat, takorluugaq siulleq tassaavoq inunnik ataatsimik marlunnilluunniit amminik suliaqartussanik sulisoqarnissaaq, qattaavissamik maskinamik peqalernissatta tungaanut.

### *Aaqqiissutissatut siunnersuut – suliatigut naliliineq*

Borgmesterip Allatseqarfiata innersuussutigaa, siunnersuut ataatsimiititamut susassaqtartumut ingerlateqqinneqassanersoq Kommunalbestyrelsimi aalajangerneqassasoq.

### *Aningaasaqarnikkut sulisoqarnikkullu naliliinerit*

Aningaasatigut sulisoqarnikkullu naliliinerit, suliap ataatsimiititamut susassaqtartumut ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

*Inatsisitigut tunngavissaaq allakkallu tunngaviusumik uppersaatitalit*

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:  
Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik sularinneqqusilluni allakkatigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

*Ingerlariaqqinnissaq*

Kommunalbestyrelsip aalajangernera Borgmesterip Allatseqarfianit allaffissornikkut sularineqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinniit allaniit oqaaseqaatigineqartut**

Ingerlatsivinnit allanit oqaaseqartitsisoqanngilaq.

**Ilanngussat**

Soqanngilaq

**Punkt 04I: Kommuneqarfik Sermersooq naartusunut erninissaq qaammatit pingasut sioqqullugit meeraaqqerivimmut inissamik allatsissinnaalernissaannik malittarisassaliussasoq pillugu aammalu erninissamut qaammat ataaseq sioqqullugu meeraaqqerivimmut inissarsissunneqarneq imaluunniit suli utaqqisuniittariaqarneq pi**

### **Beslutning**

Kommunalbestyrelsen siunnersuut taperserpaa aammalu Meeqqanut Atuarfeqarnermullu Ataatsimiititamut ingerlateqqillugu.

**Kommuneqarfik Sermersooq naartusunut erninissaq qaammatit pingasut sioqqullugit meeraaqqerivimmumut inissamik allatsissinnaalernissaannik malittarisassaliussasoq pillugu aammalu erninissamut qaammat ataaseq sioqqullugu meeraaqqerivimmumut inissarsissunneqarneq imaluunniit suli utaqqisuniittariaqarneq pillugu kommune nalunaaruteqartussanngortinneqassasoq siunnersuut**

Kommunalbestyrelsimut ilaasortap Randi Vestergaard Evaldsenip (D) Kommunalbestyrelsimut siunnersuutaa

Aalajangiiffissaq

J.nr.: 01.01.07

Suliffeqarfimmumut Kiffartuussinermi - kommunaldirektøri Lars Møller-Sørensen / LMS

**Suliassamik eqikkaaneq:**

Kommunalbestyrelsimut ilaasortaq Randi Vestergaard Evaldsen (D) februaarip qulingiluaanni 2018 Kommunalbestyrelsimut aalajangiiffigisassatut siunnersuuteqarpoq. Randi Vestergaard Evaldsenip kissaatigaa naartusunut erninissaq qaammatit pingasut sioqqullugit meeraaqqerivimmumut inissamik allatsissinnaalernissaannik malittarisassaliussasoq pillugu siunnersuut, aammalu erninissamut qaammat ataaseq sioqqullugu meeraaqqerivimmumut inissarsissunneqarneq imaluunniit suli utaqqisuniittariaqarneq pillugu kommune nalunaaruteqartussanngortinneqassasoq.

**Inassuteqaat**

Suliffeqarfimmumut Kiffartuussiviup Kommunalbestyrelsimut inassuteqaatigaa:

- Randi Vestergaard Evaldsenip siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

**Suliassamik saqqummiussineq**

Kommunalbestyrelsimut ilaasortaq Randi Vestergaard Evaldsen (D) februaarip qulingiluaanni 2018 Kommunalbestyrelsimut aalajangiiffigisassatut siunnersuuteqarpoq. Randi Vestergaard Evaldsenip kissaatigaa naartusunut erninissaq qaammatit pingasut sioqqullugit meeraaqqerivimmumut inissamik allatsissinnaalernissaannik malittarisassaliussasoq pillugu siunnersuut, aammalu erninissamut qaammat ataaseq sioqqullugu meeraaqqerivimmumut inissarsissunneqarneq imaluunniit suli utaqqisuniittariaqarneq pillugu kommune nalunaaruteqartussanngortinneqassasoq.

Siunnersuuteqarnermut tunngavilersuut:

(Kommuneqarfik Sermersuumiit nutsigaq)

Angajoqqaanngorlaat erninermut atatillugu sulinngiffeqareernerminik kingornagut meeqqaminnik meeraaqqerivilaassisinnaanissaat Demokraatinut pingaaruteqarpoq. Amerlasuutigut ajoraluartumik tamanna pisinnaasanngilaq. Tamanna iliuuseqarfigineqassaaq.

Ullumikkut ajoraluartumik imaappoq, meeraq meeraaqqerivimmi inissamut allatsinneqarsinnaavoq aatsaat pingasunik qaammateqaleraangat. Imaappoq, pilersaarusiortoqarsinnaanngilaq allamilluunniit paaqqinniffissarsiuussisoqarsinnaanngilaq. Tamatuma kingunerisaanik sulileqqinnissaq artornartarpoq toqqissisimanaranilu.

Isumaqarpugut, siusinnerujussuakkut meeraq meeqqerivimmi inissamut allatsissinnaasariaqartoq. Taamaasilluta qulakkeersinnaavarput, angajoqqaat aammalumi kommune pilersaarusiornissaminnut piffissaqarnerulaarnissaat.

Isumaqarpugut, naartunermi qaammatit arfinilinngorsimagaanni, taava nalorninarunnaartarpoq meeraaqqerivimmi inissamik pisariaqartitsinissaq, taamaattumillu piffissami tassani meeraq meeraaqqerivimmumut inissamik allatsissinnaasariaqartoq.

Tamatuma saniatigut pingaaruteqarpoq, Kommuneqarfik Sermersooq angajoqqaanut sukkannerusumik akissuteqartalissasoq, illuatungeriit pilersaarusiortuarnerunissaat anguniarlugu. Demokraatit isumaqarput, naleqquttuussasoq, erninnermut atatillugu sulinngiffeqarallannerup naannginnerani kingusinnerpaamik qaammat ataaseq sioqqullugu qaqugu inissaqalissanersoq kommune akissuteqartariaqartoq. Itigartitsissuteqartoqarpat, angajoqqaat aamma nalunaarfigineqassapput, qaqugu inissaqalissanersoq naatsorsuutigissaneraat. Taamaalilluta qulakkiissavarput angajoqqaat sulisitsisortik peqatigalugu pilersaarusiorsinnaalernissaat. Ullumikkut imaappoq, angajoqqaat ajoraluartumik nalunaarfigineqartarput meeqqamik paarineqarnissaat namminneq akisussaaffigissagaat, amerlasuutigullu angerlarsimaffimmi paarsisartunut kommunip avataaniittunut paarsisussarsioqquneqartarput. Tamanna naammaginangilaq.

Ajoraluartumik ullumikkut imaappoq, angajoqqaat sulinngiffeqarnitik atortariaqartarpat, meerartik meeraaqqerivimmi inissaqarnersoq nalornissutigisaramikku. Ilaannikkut imaattarpoq, angajoqqaap aappaa sapaatit akunnerini marlunni sulinngiffeqarallannerup naanissaanut piffissaqartarpoq meeraq utaqqisut allattorsimaffianni normu 70-iusoq. Pissutsit tamakku innuttaasunut neqeroortugisinnaangilluinnarpavut.

Tamatumani aningaasatigut kinguneqarnissaa naatsorsuutigineqanngilaq, allatsinnerup siuartinneqarnissaa kisimi pineqarmat.

#### *Aaqqiissutissatut siunnersuut – suliatigut naliliineq*

Borgmesterip Allatseqarfiata innersuussutigaa, siunnersuut ataatsimiititamut susassaartumut ingerlateqqinneqassanersoq Kommunalbestyrelsimi aalajangerneqassasoq.

#### *Aningaasaqarnikkut sulisoqarnikkullu naliliinerit*

Aningaasatigut sulisoqarnikkullu naliliinerit, suliap ataatsimiititamut susassaartumut ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

#### *Inatsisitigut tunngavissaq allakkallu tunngaviusumik uppernarsaatitalit*

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutininik saqqummiussinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik suliarinneqqusilluni allakkatigut qinnuteqassaaq, suliassaq taanna borgmesterip ileqquusumik ataatsimiinnisap tullianut oqaluuserisassanut ilanngutissavaa.

#### *Ingerlariaqqinnissaq*

Kommunalbestyrelsip aalajangernera Borgmesterip Allatseqarfianit allaffissornikkut suliarineqassaaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

#### **Innuttaasunik peqataatitsineq/attaveqatigiinneq**

Soqanngilaq.

**Ingerlatsivinnit allaniit oqaaseqaatit**

Ingerlatsivinnit allanit oqaaseqaatinik pissarsiniartoqarsimanngilaq.

**Ilanngussaq/Ilanngussat:**

Soqanngilaq.

## **Punkt 5: Taasariaqartut allat**

### **Beslutning**

Mala Høy-Kúko (S): Ujartorpaa aputaajaanermut tunngatillugu tunngatillugu saaffiginissutini akissuteqarfigineqassasoq.

Randi Evaldsen (D): ujartorpaa pisortatigoortumik katititsinermut ilitersuut.

## **Punkt 6: Suliat matoqqasut**

### **Beslutning**

Peter Davidsen (S): saqqummiussaa tunngavigalugu kommunalbestyrelsi ataatsimut allaffigineqaraangat tunngaviusumik suleriusissamik gruppeformandit borgmesteri peqatigalugu siunnersuusiussasut aalajangiunneqarpoq

Malene Lynge (IA): LP Marine Servicep saaffiginnissutaa pillugu killiffimmik paasissutissiivoq

## **Punkt 06A: Lukket**

## **Punkt 06B: Lukket**

## **Punkt 06C: Lukket**

## **Punkt 7: Imaqarniliap akuerineqarnera**

### **Beslutning**

Imaqarniliaq akuerineqarpoq 19. 30